

# ASEMPA NO DE MBRE

## JOHN

### KYEREWEE NO

**1** AHYESE no na Assem no wo ho, na Assem no nye Nyankopon wo ho, na Assem no ye Nyame. 2 Onoara na ahyese no nye Nyankopon wo ho. 3 Wonom no do yet adze nyina na woennkwetsi no annye biribiara a woyse. 4 No mu na nkwa wo, na nkwa no nye nyimpa ne kan. 5 Na kan no hyeren wo sum mu, na sum no annkyer<sup>1</sup> no. 6 Nyimpa bi bae a Nyankopon somaa no a ne dzin dze John. 7 Onoara na obaa adasedzi, de oribedzi kan no ho dase, ma nyimpa nyina eedua no do agye edzi. 8 Nnye ono nye kan no, na obedzii kan no ho dase. 9 Nokwar kan no a oma nyimpa nyina mu ye kan na oreba wiadze. 10 Owo wiadze, na wonam no do yet wiadze, na wiadze ennuh no. 11 Obaa dza yet nedze ho, na hon a woyse nedze no annye no. 12 Na dodow a wogyee no no, omaa hon tum de wonye Nyankopon mba, mekyere hon a wogyee ne dzin dzi no a 13 ommfi bogya anaa honam ne pe anaa obarimba ne pe mu, na ofi Nyankopon mu na wowoo hon. 14 Na Assem no beyse honam, na obosose hen mu, na yehun n'enyimnyam de Egya no ne Ba kortoo no n'enyimnyam a adom nye nokwar ahye no ma. 15 John dzii no dase na otsēaa mu de: Oyi nye nyia mekaa de, Nyia odzi m'ekyir reba no, papa mo ho, osiande odzii me kan. 16 Na n'amaye no hen nyina enya bi, na adom esi adom ananmu; 17 na mbra no dze, wonam Moses do dze mae, na adom nye nokwar no dze, onam Jesus Christ do na obae. 18 Obi nnhun Nyankopon pen; Oba a wowoo no kor no a owo Egya no bo mu no, ono na oeyi no akyerε.

19 Na aber a Jewo fi Jerusalem somaa asofo nye Levifo de wombebisa no de, Woana nye wo? no, nna John dzii dase yi. 20 Opaa mu kae na cannsan; opaa mu kaa de, Nnye emi

nye Christ no. 21 Na wobisaa no de, Eben mbo a? Elijah nye wo a? Na osee de, Nnye emi nye no. Nkonhyenyi no nye wo a? Na obuaa de, Oho. 22 Na wosee no de, Woana nye wo? Ma yeenya bi ekobua hon a wosomaa hen. Ekā den wo woho? 23 Osee de, Emi nye obi ne ndze a oretsēa mu wo sar no do de, Hom ntsen Ewuradze no kwan, de mbre nkonhyenyi Isaiah kae no. 24 Na hon a wosomaa hon no fi Phariseefo mu. 25 Na wobisaa no see no de, Se nnye wo nye Christ anaa Elijah anaa nkonhyenyi no a, eben ntsi na inuma? 26 John buae see de, Emidze, munuma hom nsu mu, na obi gyina hom finimfin a hom nnyim no, 27 ono nye nyia odzi m'ekyir reba no a no nsokota ho ahoma mennse de mesan mpo. 28 Yinom woyse no wo Bethany Jordan egya mbre John runuma no.

29 Na adze kyee no, John hun Jesus de oreba ne nkyen, na osee de, Hwe, Nyankopon Eguambaa a oyi wiadze bon ko. 30 Oyi nye nyia mekaa wo no ho de, Obarimba bi dzi m'ekyir reba a papa mo ho, osiande odzii me kan. 31 Na emidze minnyim no, na de wobeyi no akyerε Israel ntsi na mebae mubonumae wo nsu mu. 32 Na John dzii dase de, Muhun Sunsum no de ofi sor sianee de ebubur na obetsenaa no do. 33 Na emidze minnyim no, na nyia osomaa me ma mubonumae wo nsu mu no, onoara na osee me de, Nyia ibohu de Sunsum no besian abetsena no do no, ono nye nyia onuma wo Sunsum Kronkron mu. 34 Na mehu na medzi dase de ono nye Nyankopon Ba no.

35 Na adze kyee bio no, John nye n'esuafo beenu gyina ho; 36 na ohweε Jesus de onenam ho no, osee de, Hwe, Nyankopon Eguambaa a. 37 Na orekasa no n'esuafo beenu tsee na wokaa Jesus do. 38 Na Jesus daan noho, na ohun de wokaa

<sup>1</sup> R.V.m.

no do no, osee hon de, Hom rohwe-hwe ben? Na wosee no de, Rabbi, (ase nye de, Kyerekyerfo) etse hen? 39 Osee hon de, Hom mbra mbahwe. Na wobae bohun mbratse, na wanye no tsenaa ho da no; na oedu beye de don a otsia du no. 40 Na beenu a wotsee John n'asem na wokaa no do no, hon mu kor nye Andrew, Simon Peter no nua no. 41 Na odzii kan bohun no nua Simon, na osee no de, Yeehu Messiah no (ne nkyerese nye Christ, anaade, Nyia woasera no). 42 Odze no baa Jesus nkyen. Jesus hwae no see no de, Owo nye Simon, John ne ba no: wobefre wo Cephas (ne nkyerese nye Peter anaade Obo).

43 Adze kyee no, Jesus pte de oko Galilee, na ohun Philip. Na Jesus see no de, Ka mo do. 44 Na Philip fi Bethsaida, Andrew nye Peter kurow mu. 45 Philip kohun Nathaniel, na osee no de, Nyia Moses wo mbra no mu onye nkonhyefo no so kyeretw no ho asem no yeehu no, Nazareth Jesus, Joseph ba no. 46 Na Nathaniel see no de, Aso biribi pa bi botum efi Nazareth aba da? Philip see no de, Bra bohwe. 47 Jesus hun Nathaniel de oreba ne nkyen, na okaa no ho asem de, Hwe, ampaara Israelnyi nye yi a ndaadaa bi nnyi no mu. 48 Nathaniel see no de, Inyim me wo hen? Jesus buae see no de, Ansaana Philip fre wo a ewo adombadua no ase no, nna muhun wo. 49 Nathaniel buae see no de, Rabbi, owo nye Nyankopon Ba, owo nye Israel Hen no. 50 Jesus buae see no de, Mese wo de muhun wo adombadua no ase ntsi na egye dzi yi? Ibohu ndzamba akse a osen yinom. 51 Na osee no de, Nokwar, nokwar, mese hom de, Hom bohu de osor ebue na Nyankopon abofo rofow sian wo nyimpa Ba no do.

**2** NA da a otsia ebiasa no wohyiaa ayefor wo Cana a owo Galilee, na Jesus ne na wo ho; 2 na wofre Jesus nye n'esuafo so baa ayefor ase. 3 Na wenyin no annsi no, Jesus ne na see no de, Wonnai wenyin. 4 Na Jesus see no de, Obaa, menye wo wo eben ye? 5 Ne na see asomfo no de, Biribiara a obese hom, hom nye. 6 Na abo esupi esia sisi ho, de mbre Jewfo hon ahoguar tse, kor bedzi etwahina ebien anaa

ebiasa. 7 Jesus see hon de, Hom mfa nsu nyehye esupi no amaama. Na woyehye no amaama tenten. 8 Na osee hon de, Afei hom nsesaw nkema edzidziasa panyin no. Na wodze koree. 9 Na edzidziasa panyin no kaa n'ano nsu a adan wenyin no hwte no, na onnyim mi re ofir no (na asomfo no a wosesaw n:u no dze nyim), ofre ayeforkun no, 10 na osee no de, Nyimpa biara dze wenyin papa no dzi kan besisi ho, na wananom abobow no, nna wodze dza onnye no ba, na owodze, edze wenyin papa no esie ebodu sesei. 11 Nsenkyeredze ahyese yi Jesus yee wo Cana a owo Galilee, na oyii n'enyimnyam kyerse; na n'esuafo no gye no dzii.

12 Iyi ekyir no, Jesus sianee kor Capernaum, ono nye ne na nye no nuanom nye n'esuafo, na wotsenaa ho nda kakra ara.

13 Na Jewfo apaho no bane; na Jesus kor Jerusalem. 14 Na okohun asorfi no mu hon a woton anantwi, nye nguan, nye mbubur, nye sikasesafo de wotsetse ho; 15 na odze ahoma yee mpire paam hon nyina, nguan no nye anantwi no, na ohuee sikasesafo sika gui, na okaa hon apon butubutuwi; 16 na hon a woton mbubur, osee hon de, Hom mfa yinom mfi ha; mma hom nnye m'Egya fie eguadzi fie. 17 Na n'esuafo kaa de wakyerw de, Wo fie ho mbodzemb bemen me. 18 Iyi ntsi Jewfo buae see no de, Eben asenkyeredze na edze kyere hen, na ereye yinom yi? 19 Jesus buae see hon de, Hom ndwurw asordan yi, na ndaansa mu mebema do bio. 20 Nna Jewfo no see no de, Mfe eduanan esia mu na wotoow asordan yi, na owo ebema do nda ebiasa mu? 21 Na onodze, okaa no honam asordan no ho. 22 Dem ntsi osoree fi ewufo mu no, n'esuafo no kaa de okaa yi kyere hon, na wogyee kyerswsem no onye asem no a Jesus kae no dzii.

23 Na owo Jerusalem apaho afahye no mu no dodowara hun ne nsenkyeredze a oye no, wogyee ne dzin dzii; 24 na Jesus dze, sammfa no ho amma hon, osiande onyim nyimpa nyina, 25 na onnhia no de obi dzi nyimpa ho dase, na nankasa nyim dza owo nyimpa mu.

**3** NYIMPA bi fi Phariseefo no mu wo ho a ne dzin dze Nicodemus a nye Jewfo panyin bi; 2 onoa na abaa Jesus nkyen anago, na obese no de, Rabbi, yenyim de ifi Nyankopon nkyen na aba de kyerskyertfo; osiande obi nntum nnye nsenkyerdze a eye yi, gyede Nyankopon ka no ho. 3 Jesus buae see no de, Nokwar, nokwar, mese wo de, Se wcanwo nyimpa a, orunntum nnhu Nyankopon ahenman no. 4 Nicodemus kaa kyere no de, Obeye den na nyimpa a oenyin no, wobotum awo no? Obotum ako ne na yamu bio na wawo no anaa? 5 Jesus buaa de, Nokwar, nokwar, mese wo de, Se woemmfi nsu nye Sunsum mu annwo nyimpa a, orunntum nnhen Nyankopon ahenman mu. 6 Nyia wofi honam mu awo no nye honam; na nyia wofi Sunsum mu awo no nye Sunsum. 7 Mma onnye wo nwanwa de mese wo de, Otwar de wawo hom fofor.<sup>a</sup> 8 Mframa ho wo mbre ope, na etse ne ndze, na innym mbre ofi ba, na mbre oko. Mbre obiara a wofi Sunsum mu awo no tse nye no. 9 Nicodemus buae see no de, Yinom besi den aye? 10 Jesus buae see no de, Ana eye Israel kyerskyertfo na innym yinom? 11 Nokwar, nokwar, mese wo de, yekā dza yenyim na yedzi dza yeehu ho dase; na hom ngye hen dasee no. 12 Se mekā hom asaase afamu ndzamba na hom ngye nndzi a, obeye den na se mekā osor ndzamba kyere hom a, hom begye edzi. 13 Na obi mmfoow sor, gyede nyia ofi sor sianee no, nyimpa Ba no. 14 Na de mbre Moses maa owo no do wo sar no do no, demara na otwar de woma nyimpa Ba no do, 15 ma obiara a ogye no dzi no oeenya onnyiewiei nkwa wo no mu. 16 Na mbre Nyankopon do wiadze nye yi, de odze ne Ba a owo no kor no mae, ama obiara a ogye no dzi no jaannhera, na oeenya onnyiewiei nkwa. 17 Na Nyankopon amsoma ne Ba wo wiadze de ombobu wiadze atsen, na de wondua no do ngye wiadze nkwa. 18 Nyia ogye no dzi no, wommbu no atsen; nyia ongye

no nndzi no, woebu no atsen dada; osiande ongyee Nyankopon ne Ba kortoo no ne dzin nndzii. 19 Na iyi nye atsebu no, de kan no aba wiadze, na nyimpa adu sum akyen kan no; osiande hon ndwuma muo. 20 Na obiara a nye dza ommfata no, okyir kan, eso ommba kan no ho, amma woennyi no atsen wo no ndwuma ho. 21 Na nyia nye nokwar no, oba kan no ho, ma no ndwuma aada edzi de Nyankopon mu na oaye.

22 Iyi ekvir no Jesus nye n'esuafo baa Judaea asaase do, na onye hon tsenaa ho, na onumae. 23 Na John so runuma wo Aenon a oben Salim, osiande nsu pii wo ho; na wobaa ho ma onumaa hon. 24 Nna wonnyae mmfaa John nntoo efia dze. 25 Na nhwehwemu bi baa John n'esuafo nye Jewnyi bi afamu wo ahoguar ho. 26 Na wobaa John nkyen bese no de, Rabbi, nyia okaa wo ho wo Jordan egya no a eggee no ho dase no, hwe, ono so runuma na nyimpa nyina reba no ho. 27 John buae na osee de, Nyimpa runntum nnya biriti, gyede wodze fi sor ma no. 28 Homankasa gye me dase de mekaa de, Nnye emi nye Christ no, na wosomaa me dzii n'enyim. 29 Nyia owo ayefor no nye ayeforkun; na ayeforkun ne nyenko a ogyina ho na otsie no, n'enyi gye kese wo ayeforkun no ne ndze ntsi; afei na m'enyigye yi ahye mā. 30 Onodze, otwar de odor, na emidze, otwar de mo do huan.

31 Nyia ofi sor bae no kyen nyimpa nyina; nyia ofi famu no, nye famunyi, na okasa de famunyi. Nyia ofi sor bae no kyen nyimpa nyina; 32 dza oehu na atse no na ogye ho dase, na obiara ngye ne dasee nndzi. 33 Nyia ogye ne dase no, asow ano de Nyankopon ye nokwafo. 34 Na nyia Nyankopon somaa no no, okā Nyankopon ne nsem, na onnsusu Sunsum no na odze ma no. 35 Egya no do Oba no, na odze ndzamba nyina ahye ne nsa. 36 Nyia ogye Oba no ne dzin dzi no, owo onnyiewiei nkwa; nyia onndzi Oba no asem do no, orunhu nkwa, na Nyankopon ebu-fuw tsena no do.

**4** AFEI Ewuradze hun de Phari-seefo atse de Jesus reye esuafo pii na orunuma nyimpa sen John no 2 (naaso Jesus nankasa ennuma na n'esuafo a), 3 ofi Judaea na osii

<sup>a</sup> Anaa 'Se woemmfi sor annwo nyimpa a' R.V.m.

<sup>b</sup> Anaa 'Otwar de wofi sor wo hom' R.V.m.

mu kor Galilee bio. 4 Na otwar de ofa Samaria. 5 Na afei obaa Samaria kurow bi a wofre no Sychar a oben asaase a Jacob dze kyee ne ba Joseph no ho; 6 na Jacob bura so wo ho. Na Jesus afona n'akwantu mu ntsi, otsenaa bura no do dem-ara; obeye don a otsia esia no. 7 Na obaa bi a ofi Samaria bae botoow nsu. Jesus see no de, Ma me bi monnom. 8 Na n'esuafo no ko kurow mu akoto edziban. 9 Na Samarianyi obaa no see no de, Oye den na owo a eye Jewnyi ibisa emi a meye Samarianyi obaa ho nsu anom? Na Jewfo nye Samariafo nnka. 10 Jesus buae see no de, Se inyim Nyankopon akyedze no, nye nyia ose wo de, Ma me bi monnom yi a, nkye ibebisa no ma oama wo nsu a nkwa wo mu. 11 Obaa no see no de, Innyi adze a edze rotow, na bura no mu so do; hen mbo na inya nsu a nkwa wo mu no? 12 Ana owo esd kyen hen egya Jacob a okye hen bura yi, na nankasa nye ne mba nye no mbowa noom bi? 13 Jesus buae see no de, Obiara a obonom nsu yi bi no, nsukom bedze no bio. 14 Na nyia obonom nsu a mebema no no, nsukom nnkedze no da, na nsu a mebema no no beye no mu nsubura a opuw nsu ko onnyiewiei nkwa mu. 15 Obaa no see no de, Ma me dem nsu yi e, ma nsukom nndze me ma munntu kwan mommbotow nsu yi bi. 16 Jesus see no de, Ko kefre wo kun na bra ha. 17 Obaa no buae see no de, Minnyi kun. Jesus see no de, Akã no yie de, Minnyi kun: 18 na awar kunnom beenum; na nyia ewo no sesei yi, nnye wo kun bi a; onodze, akã no nokwar. 19 Obaa no see no de, Mo wura, muhu de eye nkonhyenyi. 20 Hen egyanom sree wo bepaw yi do, na homdze, hom se de Jerusalem nye bea a ose de nyimpa sor wo ho. 21 Jesus see no de, Obaa, gye me dzi de da no reba a nnye bepaw yi do, eso nnye Jerusalem na hom bosor Egya no. 22 Hom sor dza hom nnyim; hendze, yesor dza yenyim, osiande nkwaye fi Jewfo mu. 23 Na don no reba, na oenya edu, de nokwar asorfo bosor Egya no wo sunsum nye nokwar mu: na yinom dem na Egya no hwehwe de n'asorfo ye. 24 Nyankopon ye sunsum, na hon a wosor no, ose de wosor no wo

sunsum nye nokwar mu. 25 Obaa no see no de, Minyim de Messiah no a wofre no Christ no reba; na onodze, se oba a, obepaa mu akã adze nyina akyere hen. 26 Jesus buae see no de, Emi a menye wo rekasa yi, emi nye no.

27 Na iyi do na n'esuafo bae; na oye hen ahobow de onye obaa no rekasa, naaso obi annse no de, Erohwehwe eben, anaa, Oye den na enye no rekasa yi? 28 Na obaa no gyaa n'ehina ho na osii mu kor kurow no mu, na osee nyimpa no de, 29 Hom mbra mbahwe nyimpa a oaka dza maye nyina akyere me. Nnye oyi nye Christ no anaa? 30 Wofii kurow no mu de woreba ne nkyen. 31 Na ne ntamu no, n'esuafo bisaa no de, Rabbi, dzidzi. 32 Na osee hon de, Mowo edziban midzi a hom nnyim. 33 Dem ntsi n'esuafo sesee honho de, Ana obi abre no biribi ma oedzi? 34 Jesus see hon de, M'edziban nye de meye nyia osomaa me no pe na muwie n'edwuma. 35 Ana hom nnka de aka abosoom anan na twaber edu? Hwe! mese hom de, Hom mma hom enyi do nhwe nhaban no, de oenya ahoa edu twaber mu. 36 Na nyia otwa no gye akatua na oboaboa aba no ano ko onnyiewiei nkwa mu, na nyia oduae nye nyia otwae nyina aabo mu edzi dew. 37 Na iyi mu asem no ye nokwar de obi dua na obi twa. 38 Mosomaa hom de hom nkotwa dza hom nnye ho edwuma; binom aye, na homdze, hom aba hon edwuma mu.

39 Na Samariafo a wowo kurow yi mu dodowara gyee no dzii wo obaa no a ogyee dase de, Oaka dza maye nyina akyere me no n'asem ntsi. 40 Dem ntsi Samariafo baa ne nkyen no, wosere de de onye hon ntsena. Na otsenaa ho nda eben. 41 Na dodow a okyen nkan no gyee no dzii wo n'asem ntsi, 42 na wosee obaa no de, Afei nnye w'asem ntsi na yegye dzi, na henankasa yeatse na yenyim de oyi nye wladze Agyenkwa.

43 Na nda eben twaa mu no, ofi ho sii mu kor Galilee. 44 Na Jesus noara gyee dase de nkonhyenyi nnyi enyidzi wo nankasa no kurow mu. 45 Na odor Galilee no, Galileefo gyee no too mu, osiande wohun dza oye wo Jerusalem wo afahye no ase nyina; na hon so kor afahye no ase bi.

46 Na Jesus baa Cana a ɔwo Galilee mbre ɔdaa nsu wenyin no bio. Na ahenkowaa bi wo ho a ne ba yar wo Capernaum. 47 Na ɔtsee de Jesus fi Judaea aba Galilee no, ɔkor ne nkyen kesereɛ no de ɔmbra mbasa ne ba ne yarba, na ɔreye ewu. 48 Na Jesus see no de, Se hom nnhu nsenkyersɔdze nye anwanwadze a, hom nnkɛgye edzi da. 49 Ahenkowaa no see no de, Mo wura, Sian bra ansaana me ba no ewu. 50 Jesus kaa kyereɛ no de, Ko, wo ba no atse apɔw. Na nyimpa no gyee asem a Jesus kaa kyereɛ no no dzii, na ɔkoree. 51 Na ɔresan ako no, no nkowaa behyiaa no kaa de ne ba no atse apɔw. 52 Na obisaa hon don kor a no ho hye ase ye no dzen; na wɔsee no de, Ndeda don a ɔtsia esuon no mu na papu no gyaa. 53 Na egya no hun de don no ara a Jesus see no de, Wo ba no atse apɔw no mu a, na ɔgyee no dzii, ɔnye ne fifo nyina. 54 Iyi so nye asenkyersɔdze a ɔtsia ebien a Jesus fi Judaea baa Galilee no ɔye.

**5** Iyi ekyir no Jewfo afahye bi durii, na Jesus kor Jerusalem. 2 Na Jerusalem nguantsen abobow no ho nsutaaɛ bi wo ho a wofre no wo Hebrew kasa mu Bethesda a ɔwo nkrandaɛ enum. 3 Na iyinom mu na ayafo nyimpakuw pii, enyifurafo, mpakye, nye hon a wɔakyenkyen dedae rotweon nsu no no nwo-sowee. 4 Na odu ber a abofo sian nsutaaɛ no mu bofon no; na obiara a nsu no fon ekyir no odzi kan kɔto mu no, yarba biara a ɔyar no wɔbo no esu. 5 Na nyimpa bi wo ho a oedzi mfe eduasa awɔtwe wo n'ahomberew mu; 6 na Jesus hun de ɔda ho, na onyim de ɔakyer no, ɔsee no de, Epe de wo ho ye wo dzen anaa? 7 ɔyarfo no buaa de, Ewuradze, minnyi nyimpa bi a se wɔbofon nsu no a ɔdze me to nsutaaɛ no mu: na mereba a, nna obi etwa m'ano ekesi mu. 8 Jesus see no de, Soɛ, fa wo kɛte na nantsew. 9 Na amonmu no ara nyimpa no ho ye no dzen, na ɔfaa ne kɛte, na ɔnantsewee.

Na da no ara ye ahomgyeda. 10 Dem ntsi Jewfo no see nyia wɔsaa no yarba no de, Nde ye ahomgyeda, innyi ho kwan de esoa wo kɛte. 11 Obuae see hon de, Nyia ɔmaa mo ho ye me dzen no, ɔnoara na ɔsee me de, Fa

wo kɛte na nantsew. 12 Wobisaa no de, Woana nye nyimpa a ɔsee wo de, Fa na nantsew, no? 13 Na nyia wɔsaa no yarba no nnyim nyimpa kor no, na nyimpadodow wo ho ntsi Jesus atwe noho efi ho. 14 N'ekyir no Jesus hun no asɔrfi mu na ɔsee no de, Hwe, wo ho aye wo dzen: mma nnye hon bio, mma dza omuo kyen yi aamma wo do. 15 Nyimpa no sii mu kekaa kyereɛ Jewfo no de Jesus na ɔmaa no ho ye no dzen. 16 Dem ntsi na Jewfo hiabiasa Jesus ho, osiande ɔaye ndzɛmba yi ahomgyeda. 17 Na Jesus buaa hon de, M'Egya ye edwuma bodu sesei na mo so meye edwuma. 18 Na dem ntsi kɛse na Jewfo hwɛhweɛ no eku no, osiande nnye ahomgyeda nko na ɔɔto, na eso ɔfrɛ Nyankopon nankasa n'Egya, dze ye noho de ɔnye Nyankopon se.

19 Na Jesus buae see hon de, Nokwar, nokwar, mese hom de, ɔba no nankasa nntum nnhye noho nnye hwɛe, gyede dza ohu Egya no de ɔye; na biribiara a ɔno ye no, ɔnoara ɔba no so ye no demara. 20 Na Egya no do ɔba no, na ɔkyere no dza nankasa ye no nyina, na ɔɔkyere no ndwuma a ɔkyen yinom, na aaye hom ahobow. 21 Na de mbre Egya no nyan ewufo na ɔma hon nkwa, demara so na ɔba no dze nkwa ma hon a ɔpe. 22 Na eso Egya no mmbu biara atsen, na ɔdze atsembu nyina ahye ɔba no nsa, 23 ma obiara eedzi ɔba no nyi, de mbre wodzi Egya no nyi. Nyia onndzi ɔba no nyi no, onndzi Egya a ɔsomaɛ no no nyi. 24 Nokwar, nokwar, mese hom de, nyia ɔtse m'asem, na ɔgye nyia ɔsomaɛ me no dzi no, ɔwo onnyiewiei nkwa, na ɔremmba atsembu mu, na mbom oetwa mu efi owu mu aba nkwa mu. 25 Nokwar, nokwar, mese hom de don no reba na enya edu a ewufo batse Nyankopon Ba ne ndze, na hon a wɔbatse no benya nkwa. 26 Na de mbre Egya no wo nkwa wo nankasa no mu no, demara so na ɔdze maa ɔba no de onnya nkwa wo nankasa no mu. 27 Na ɔmaa no tum de ombu atsen so, osiande ɔye nyimpa Ba. 28 Mma yi nnye hom nwanwa: na don no reba a hon a wɔwo nda mu nyina batse me ndze, 29 na woefir edzi; hon a wɔaye papa no, ako nkwa wunyan mu; hon a

wɔaye dza omuo no, ako afɔdzi wunyan mu.

30 Mankasa munntum mennhye moho nnye hwee; de mbre metse na mubu atsen, na m'atsembu tsen, osiande monnhwehwe dza mankasa mepe, na dza nyia osomaa me no pe a. 31 Se mankasa midzi moho dase a, me dasee nnye nokwar. 32 Obi wo ho a odzi mo ho dase, na minyim de ne dasee a odzi wo mo ho no ye nokwar. 33 Hom somae kor John ho, na agye nokwar no ho dase: 34 na emidze, menngye nyimpa ho dase, na meka yinom ma hom eenya nkwa. 35 Ono nye kandzea a odzew na ohyeren, na hom pe de hom enyi gye wo ne kan mu mber kakra. 36 Na emidze, mowo dasefo a okyen John, na ndwuma a Egya no dze ama me de munwie no, ndwuma a meye noara gye mo ho dase de Egya no na osoma me. 37 Na Egya no a osomaa me no nankasa agye mo ho dase. Hom nntsee ne ndze da, eso hom nnhun no su, 38 na hom nnyi n'asem tse hom mu, osiande nyia osomaa no no, hom nngye no nndzi. 39 Hom hwehwe kyerswsem no mu, osiande hom susu de yinom mu na hom wo onnyi-ewiei nkwa; naaso yinom nye dza wogye mo ho dase, 40 na hom mmpe de hom ba me nkyen ma hom eenya nkwa. 41 Menngye enyimnyam wo nyimpa ho. 42 Na minyim hom de hom nnyi Nyankopon no do wo hom mu. 43 Emidze, menam m'Egya dzin do maba, na hom nngye me; se obi nam nankasa ne dzin do ba a, ono na hom begye no. 44 Hom beye den etum agye edzi, hom a hom gye enyimnyam wo homho nkorkor, na hom nnhwehwe enyimnyam a ofi Nyankopon ho ba no? 45 Mma hom nnsusu de emi na mobokotɔa hom ama Egya no, na nyia ɔtɔa hom wo ho, mekyere Moses a hom dze hom were atwer no no. 46 Na se hom agye Moses edzi a, nkye hom begye mo so edzi; osiande mankasa na okyerew mo ho nsem. 47 Na se hom nngye ne kyere no nndzi a, hom beye den etum agye m'asem edzi?

**6** IYINOM ekyir no, Jesus sii mu kor Galilee po a nye Tiberias po no egya. 2 Na nyimpadow pii dzii n'ekyir, osiande wohun

nsankyerɔdze a nye wo hon a woyar ho. 3 Na Jesus kor koko no do na nye n'esuafo ketsenaa ho. 4 Na apaho no, Jewfo afahye no, aben. 5 Na afei, Jesus maa n'enyi do, na ohun de nyimpadowow kese reba ne nkyen no, osee Philip de, Hen na yebokɔ paanoo ma yinom eedzi? 6 Na iyi okae dze so no hwee, na nankasa nyim dza orebeye. 7 Philip buaa no de, Paanoo denare ahaenu nnkɔsɔ hon de hon nyina benya nkakrankakra. 8 Na n'esuafo mu baako, Andrew a nye Simon Peter no nua no, see no de, 9 Abanyimba bi wo ha a wo atoko-paanoo enum na esunam nkakraba ebien; na iyi-dze ye eben ma nyimpa pii yi? 10 Jesus see de, Hom mma nyimpa no tsenatsena famu. Eso sar pii wo ho. Na mbarimba no tsenatsenaa famu ma hon dodow beye mpemenum. 11 Na Jesus faa paanoo no, na ɔda ase no, okye maa hon a wɔtsetse ho no, nye esunam no so demara dze maa dodow a wɔpe. 12 Na womee no, osee n'esuafo de, Hom mboaboa mporopoba a aka no ano, na biri-biara annye gyan. 13 Na woboabooa ano, na wɔdze atoko-paanoo enum no no mporopoba a okae ma hon a wɔdzidzii no hye mbirefi duebien amaama. 14 Na nyimpa no hun asankyerɔdze a nye no, wɔkaa de, Ampa, oyi nye nkonhyenyi a orega wiadze no.

15 Na Jesus hun de wɔreba abefa no aye no dze no ekedzi hen ntsi, ono nko twee noho kor koko no do bio.

16 Na odor anafua no, n'esuafo kor mpoano; 17 na wokor hen mu twaa po no roko Capernaum. Na sum agye, na Jesus nnye mmbaa hon nkyen, 18 na po no hurii wo mframa kese a ɔboe no ntsi. 19 Na wokwaan beye akwansimba eduonu enum anaa de eduasa no, wohun Jesus de onam po no do, na ɔrotwe aben hen no, na wosuroi. 20 Na osee hon de, Mara a, mma hom nnsuro. 21 Nna wɔpe de wogye no ba hen no mu, na ntsem-ara na hen no dur asaase a wɔroko do no do.

22 Adze kyee no, nyimpadowow a wogyinagyina po no egya no hun de hen nnyi ho de kor ara, naaso Jesus annka n'esuafo ho annko hen no mu, na n'esuafo nko na wɔko-

ree 23 (naaso ahen bi fil Tiberias baa mbre Ewuradze daa ase no wo-dzii paanoo wo ho no), 24 na nyim-padodow no hun de Jesus nnyi ho na n'esuafo so nnyi ho no, hon so wokor hen mu na wobaa Capernaum bohwehwee Jesus. 25 Na wobohun no wo po no egya no, wosee no de, Rabbi, aber ben na ebaa ha? 26 Jesus buaa hon, na osee de, Nokwar, nokwar, mese hom de, Nnye hom hun nsankyerdze ntsi na hom ro-hwehwee me, na hom dzii paanoo na hom mee no ntsi a. 27 Mma hom nnye edwuma wo edziban a osee ho, na mbom wo edziban a otsena ho kodu onnyiewiei nkwa mu a nyimpa Ba dze bema hom no ho; na ono na Egya Nyankopon asow n'ano. 28 Na wosee no de, Eben na yenze na yaaye Nyankopon ndwuma? 29 Jesus buae see hon de, Iyi nye Nyankopon edwuma, de hom begye nyia onara somaa no no edzi. 30 Na wosee no de, Asankyerdze ben na eye ma yee-hu na yaagye wo edzi? Eben edwu-ma na eye? 31 Hen egyanom dzii *manna* no wo sar no do, de mbre woakyerew no de, Omaa hon paanoo fi sor ma woedzi. 32 Na Jesus see hon de, Nokwar, nokwar, mese hom de, Nnye Moses na omaa hom paanoo a ofi sor no, na m'Egya na oma hom paanoo pa a ofi sor no; 33 na Nyankopon paanoo nye nyia ofi sor sian ba na oma wladze nkwa no. 34 Nna wosee no de, Ewuradze, ma hen paanoo yi bi daa. 35 Na Jesus see hon de, Emi nye nkwa paanoo no: nyia oba mo ho, okom renndze no da, na nyia ogye me dzi nsukom renndze no da. 36 Na mesee hom de, Hom ehu me naaso hom ngye nndzi. 37 Dza Egya no dze ama me biara beba mo ho; na nyia obeba mo ho no moronantow no nnkyen da, 38 osian-de mifi sor misianee mebae, nnye de merebeye mankasa me pe, na mbom nyia osomaa me no ne pe a. 39 Na iyi nye nyia osomaa me no ne pe, de dza odze ama me nyina mennewe no mu hwee, na mebema no do wo da a odzi ekyir no mu. 40 Na iyi nye m'Egya ne pe, de obiara a ohwe Ba no na ogye no dzi no, onnya onnyiewiei nkwa, na mebema no do wo da a odzi ekyir no mu.

41 Nna Jewfo no hwinhwini wo no ho de okaa de, Emi nye paanoo a

ofi sor sianee bae no, 42 na wosee de, Ana nnye oyi nye Jesus, Joseph ne ba a yenyim n'egya nye ne na no? Na oye den na afei osee de, Mesian mifi sor maba? 43 Jesus buae na osee hon de, Mma hom nnhwinihin hom mu. 44 Obiara nntum mmba mo ho, gyede Egya no a osomaa me no twe no, na mebema no do wo da a odzi ekyir no mu. 45 Woakyerew wo Nkonhyefo no mu de, Na hon nyina Nyankopon bekyerskyere hon. Obiara a otse wo Egya no nkyen na oesia no, oba mo ho. 46 Nnye de obiara ehu Egya no, gyede nyia ofi Nyankopon nkyen no, ono na oehu Egya no. 47 Nokwar, nokwar, mese hom de, nyia ogye dzi no wo onnyiewiei nkwa. 48 Emi nye nkwa paanoo no. 49 Hom egyanom dzii *manna* no wo sar no do na wowuwui; 50 iyi nye paanoo a ofi sor sian ba no, na nyimpa eedzi bi na oeenwu. 51 Emi nye paanoo tseasenya a ofi sor sianee bae no; se obi dzi paanoo yi bi a, obatsena ase daa; na ampaara paanoo a medze bema nye mo honam wo wladze nkwa ntsi.

52 Na Jewfo peer wo hon mu de, Obeye den na nyimpa bi botum dze no honam ama hen ma yeedzi? 53 Jesus see hon de, Nokwar, nokwar, mese hom de, se hom enndzi nyimpa Ba no honam na hom annom no bogyaa a, hom nnyi nkwa wo hom mu. 54 Nyia odzi mo honam na onom mo bogyaa no, wo onnyiewiei nkwa, na da a odzi ekyir no mu me-bema no do. 55 Na mo honam ye edziban ampa, na mo bogyaa ye anondze ampa. 56 Nyia odzi mo honam na onom mo bogyaa na otse mo mu, na mo so metse no mu. 57 De mbre Egya tseasenya no somaa me, na mudua Egya no do metse ase no, nyia odzi mo honam no, nankasa so bodua mo do atsena ase. 58 Iyi nye paanoo a ofi sor sianee bae no: nnye de mbre hom egyanom dzii *manna* no na wowuwui no; nyia obedzi paanoo yi no, obatsena ase daa. 59 Oreyerskyere wo Capernaum wo nhyiamudan mu no, nna okaa asem yi.

60 Dem ntsi n'esuafo pli tsee no, wosee de, Asem yi ye dzen: woana botum etsie? 61 Na Jesus hun wo nankasa no mu de n'esuafo ruhwin-hwin asem no ho no, osee hon de,



Iyi ma hom fintsiw anaa? 62 Na ayeremboa hom bohu nyimpa Ba de ofowfow ke sor mbre nkan no owo dze e? 63 Sunsum nye dza oma nkwa, mfaso biara nnyi honam mu: nsem a makā akyerē hom no ye sunsum, na oye nkwa. 64 Na hom mu binom wo ho a wɔnnɔye nndzi. Na Jesus fir ahyese no nyim hon a wɔnnɔye no enndzi na nyia obeyi no ama no. 65 Na osee de, Iyi ntsi na mase hom de obi nntum mmba mo ho gyede Egya no ma no kwan ana.

66 Ofir yi do n'esuafɔ pii saan ekyir, na wɔnnɔye no annantsew bio. 67 Dem ntsi Jesus see duebien no de, Ana hom so hom pe de hom ko a? 68 Simon Peter buaa no de, Ewuradze, woana ho na yeboko? Owo na ewo onnyiewiei nkwa ho nsem; 69 na hendze, yeagye edzi na yenyim de owo nye Nyankopon no Hotseweenyi no. 70 Jesus buaa hon de, Ana nnye emi na mepaa hom duebien yi? Na hom mu baako ye abonsam. 71 Judas, Simon Iscariot ne ba no, ɔno na ɔrekā no ho asem no: na ɔno na ori-beyi no ama; eso oye duebien no mu baako.

**7** NA iynom ekyir no, Jesus koduaduaa Galilee, na ɔmmpe de oduadua Judaea, osiande Jewfo no rohwehwe no eku no. 2 Na Jewfo no asese-afahye no absen. 3 Na no nuanom see no de, Fi ha ko Judaea ama w'esuafɔ so aahwe wo ndwuma a ereye yi. 4 Na obi nnye biribi wo nsumaa mu, na ɔnnhwehwe de nankasa dze, wobohu no bagua mu. Se eye yinom a, yi woho kyere wiadze. 5 Na no nuanom mpo annɔye no enndzi. 6 Jesus see hon de, Emidze, me ber nnyae nndurii, na homdze, hom aber wo ho daa. 7 Wiadze nntum nntan hom, na emidze, ɔtan me, osiande megye no ho dase de no ndwuma muo. 8 Hom nko afahye no ase; emidze, minnyae monnkɔr afahye yi ase, osiande me ber nnyae nndurii. 9 Na osee hon dem no ɔtsenaa Galilee.

10 Na no nuanom koree no, nna ɔno so kor afahye no ase, nnye guado, na mbom ɔtse de nsumaa mu. 11 Na Jewfo no hwehwe no afahye no ase, na wɔsee de, Owo hen? 12 Na huhu-huhu pii baa nyimpadodow no mu wo no ho: binom se, Oye nyimpa pa;

binom se, Dabi, na ɔdaadaa nkorofo no. 13 Naaso, Jewfo ho hu ntsi, obi annɔye enyim annkā no ho asem.

14 Na odur afahye no finimfin no, Jesus kor asorfi mu kekyerekyerē. 15 Na oye Jewfo no nwanwa na wɔsee de, Oye den na onnsua nwoma, na onyim yi? 16 Na Jesus buaa hon de, Me nkyerekyerē nnye medze, na nyia ɔsomaa me no dze a. 17 Se obi pe de oye ne pe a, obohu nkyerekyerē no de ofi Nyankopon anaade ofi mankasa me tsirmu na mekā. 18 Nyia ɔbo nankasa ne tsirmu kasa no hwehwe nankasa n'enyimnyam; na nyia ɔhwehwe nyia ɔsomaa no no n'enyimnyam, ɔno na oye nokwafo, na dza ɔnntsen nnyi no mu. 19 Ana nnye Moses na ɔmaa hom mbra no, na hom mu obiara nnye mbra no? Oye den na hom hwehwe me eku me? 20 Nyimpadodow no buaa de, Ewo abonsam: woana rohwehwe wo eku wo? 21 Jesus buae na osee hon de, Edwuma kor pe na meye na oye hom nyina nwanwa. 22 Dem ntsi na Moses ama hom twatsia—nnye de ofir Moses, na ofir egyanom no—na ahomgyeda hom twa nyimpa twatsia. 23 Se nyimpa nya twatsiatwa ahomgyeda ma wɔanntɔ Moses mbra a, hom bo efuw me de mama nyimpa ho nyina aye no dzen ahomgyeda? 24 Mma hom mmbu atsen de mbre enyiwa do tse, na hom mbu atsen tsenenee.

25 Na Jerusalemfo no mu binom see de, Ana nnye yi nye nyia worohwehwe no eku no? 26 Na hwe, oye enyim kasa na wɔnnse no hwee. Gyama mpanyimfo no ehu ampa de oyi nye Christ no anaa? 27 Naaso, oyidze, yenyim mbre ofi, na Christ no dze, se ɔba a, obi runnha mbre ofi. 28 Na Jesus rekyerekyerē wo asorfi mu no, ɔtsēaa mu na osee de, Hom nyim me, na eso hom nnyim mbre mifi; na mankasa mannhye moho mebae, na nyia ɔsomaa me no nye nokwafo a hom nnyim no. 29 Emidze, minyim no, osiande mifi no ho, na ɔno na ɔsomaa me. 30 Na wɔhwehwe no akyer no, na obi ammfa ne nsa ennsuo no mu, osiande no don nnyae nndurii. 31 Na nyimpadodow no mu pii gyee no dzii na wɔsee de, Ana Christ no, se ɔba a, ɔbeyē nsenkyerɔdze pii akysn dza oyi aye yi? 32 Phariseefo no tsee nyim-



padodow no de woruhwinhwini yinom wo no ho, na asofompanyin no nye Phariseefo no somaa asomfo de wonkekyer no. 33 Na Jesus see de, Aber kakrabaabi na mowo hom nkyen, na moroko nya osomaa me no nkyen. 34 Hom bohwehwe me na hom nnkoku me, na mbre mowo hom runntum ho ba. 35 Na Jewfo no kaa kyere honho de, Hen na oboko na yennkoku no? Oboko hon a wapaetse Greekfo mu no mu akkyerakyere Greekfo no anaa? 36 Asem ben na oka yi de, Hom bohwehwe me na hom nnkoku me, na mbre mowo hom runntum ho ba?

37 Na da a odzi ekir no a oye afahye no ne dapon no Jesus gyinae tsaa mu de, Se nsukom dze obi a, womma mbra me nkyen mbonom. 38 Nyia ogye me dzi no, de mbre kyerewsem no aka no, nkwa esutsen befi ne yamu apem. 39 Na iyidze, okae wo Sunsum a hon a wogyee no dzii no woribenyi no ho, na Sunsum no nnyae mmbae, osiande wonnyae nnhye Jesus enyimnyam. 40 Ntsi nyimpadodow no mu binom, wotsee nsem yi no, wokaa de, Nkonhyenyi no nye yi ampa. 41 Binom kaa de, Christ no nye yi; na binom so kaa de, Ana Christ no befi Galilee aba? 42 Ana kyerewsem no annka de, David asefo mu, nye Bethlehem kurow a David tsenaa mu no mu, na Christ no befi aba? 43 Na mpapaamu baa nyimpadodow no mu, 44 na hon mu binom pee de wokyer no, naaso obiara ammfa ne nsa ennsuo no mu.

45 Na asomfo no baa asofompanyin no nye Phariseefo no nkyen, na wabisaa hon de, Ebnadze ntsi na hom ammfa no ammba? 46 Asomfo no buaa de, Nyimpa bi nnkasaa de nyimpa yi pen. 47 Na Phariseefo no buaa hon de, Ana hom so wadaadaa hom? 48 Ana mpanyimfo anaade Phariseefo bi gyee no dzii? 49 Na nyimpadodow a wonnyim mbra no, woadom hon. 50 Nicodemus a nkan no obaa ne nkyen a oye hon mu baako no kaa kyere hon de, 51 Ana hen mbra so onndzi kan nntsie nyimpa, na onnhun dza oye a, obu no atsen? 52 Wobuaa no de, Ana wo so ifi Galilee? Hwehwe mu hwe, na hu de nkonhyenyi mmpuei wo Galilee mu da.

53 [Na hon nyina kokor hon efie;

8 1 na Jesus kor Ngo Bepow no do. 2 Na ahamanakyee no obaa asorfi no mu bio, na oman no nyina baa ne nkyen, na otsenaa ase kyerekyere hon. 3 Na kyerewfo no nye Phariseefo no dze obaa bi a woakyer no awarto mu bae, na wotsee no sii finimfin no, wotsee no de, 4 Kyerekyerefo, woakyer obaa yi wo awarto mu, wo do ara. 5 Eso Moses wo mbra no mu hyee hen de wonsiw damfo abo: owo ese den? 6 Na iyidze, wokae dze soo no hwae, ma woenya biribi dze akotaa no. Na Jesus bre no mu adze dze ne nsatseaba kyerekyerew daadze. 7 Na woda ho ara ribisa no no, otseen no mu kaa kyere hon de, Hom mu nyia bon nnyi no ho no, womma ontow no bo kan. 8 Na obree no mu adze bio, na odze ne nsatseaba kyerekyerew daadze. 9 Na hondze, wotsee na hon tsibowa yii hon atsen no, wofir edzi nkorkor fitsi mpanyimfo do besi hon a wodzi ekir do, na okaa Jesus nko nye obaa no a ogyina finimfin no. 10 Na Jesus tseen no mu na oennhu obiara de obaa no nko no, osee de, Obaa, w'atofo no wo hen? Ana obi emmbu wo fo? 11 Osee no de, Mo wura, obi emmbu me fo. Jesus see no de, Mo so mumbbu wo fo: ko na mma nnkyee bon bio.]

12 Na Jesus kasaa kyere hon bio de, Emi nye wiadze kan no: nyia odzi m'ekir no rennantsew sum mu, na obenyi nkwa kan no. 13 Phariseefo no see no de, Owodze, idzi wankasa woho dase: wo dasee nnye nokwar. 14 Jesus buae na osee hon de, Se midzi mankasa moho dase mpo a, me dasee ye nokwar, osiande minyim mbre mifi bae na mbre moroko; na homdze, hom minyim mbre mifi bae anaa mbre moroko. 15 Homdze, hom bu honam enyi atsen, na emidze, mumbbu obi atsen. 16 Na se mubu atsen mpo a, nkye m'atsembu ye nokwar, osiande nnye mo nko na mowo ho, na emi nye Egya no a osomaa me no. 17 Na woakyerw wo hom mbra no mu so de nyimpa beenu hon dasee ye nokwar. 18 Emi nye

nyia odzi mankasa moho dase, na Egya a osomaa me no so dzi me dase. 19 Na wosee no de, Hen na w'Egya wo? Jesus buaa de, Hom nnyim me, eso hom nnyim m'Egya; se hom nyim me a, nkye hom nyim m'Egya so demara. 20 Oreyerekyere wo asorfi no mu na okaa nsem yi wo sikakorabea ho; na obi ammfa ne nsa ennsuo no mu, osiande no don nnyae ndurii.

21 Jesus see hon bio de, Moroko, na hom bohwehwe me, na hom bowu wo hom bon mu: mbre moroko no, hom runntum mmba ho. 22 Na Jewfo no see no de, Oribedzi noho ewu anaa, na ose, Mbre moroko no, hom runntum mmba ho? 23 Na ose hon de, Homdze, hom fi famu dze mu; emidze, mifi osor dze mu; homdze, hom fi wiadze yi mu; emidze, mimmi wiadze yi mu. 24 Dem ntsi mesee hom de hom bowu wo hom bon mu: se hom nngye ndzi de emi nye ono a, hom bowu wo hom bon mu. 25 Na wosee no de, Woana nye wo? Jesus see hon de, Dza mifi ahyese makā akyere hom no a. 26 Na mowo hom ho nsem pii a mekā na mubu hom atsen; na nyia osomaa me no ye nokwawo, na dza matse wo no ho na mekā kyere wiadze. 27 Wwanntse ase de Egya no ho asem na oreka kyere hon no. 28 Na Jesus see hon de, Se hom nya ma nyimpa Ba no do a, nna hom bohu de emi nye no, na de mennhye mankasa moho nnye biribi, na de mbre Egya no kyerekyere me na mekā nsem yi. 29 Na nyia osomaa me no nye me tse: onngyaa mo nko, osiande meye dza oso n'enyi daa. 30 Na orekasa dem no, dodowara gyee no dzii.

31 Na Jesus kaa kyere Jewfo a wogyee no dzii no de, Se hom tsena m'asem mu a, nna hom ye m'esuafu ampa; 32 na hom bohu nokwar no, na nokwar no beye hom adehye. 33 Wobuua no de, Yeye Abraham asefo, yennyse obi nkwaa da: oye den na ese de, Hom beye adehye? 34 Jesus buaa hon de, Nokwar, nokwar, mese hom de, obiara a oye bon no, oye bon akowaa; 35 na akowaa nnka fie daa, na oja dze, otsena ho daa. 36 Dem ntsi se Oba no ye hom adehye a, hom beye adehye ampa. 37 Minyim de hom ye Abraham n'asefo, naaso

hom rohwehwe me eku me, osiande m'asem hen hom mu a onnye. 38 Dza mehu wo m'Egya nkyen na mekā na hom so hom ye dza hom atse wo hom egya nkyen. 39 Wobuua no see de, Hen egya nye Abraham. Jesus see hon de, Se hom ye Abraham mba a, nkye hom beye Abraham ndwuma; 40 na afei dze, hom rohwehwe me eku me, nyimpa a makasa nokwar a metsee no Nyankopon nkyen makyere hom: iyidze, Abraham annyee. 41 Hom ye hom egya ndwuma. Wosee no de, Nnye ndwamanye mu na wwowo hen: egya kor na yewa, ono nye Nyankopon. 42 Jesus see hon de, Se hom egya nye Nyankopon a, nkye hom bodo me, osiande mifi Nyankopon mu na maba; eso manhye moho na maba, na ono na osomaa me. 43 Ebenadze ntsi na hom nntse me kasaa ase? Osiande hom nntum nntsie m'asem. 44 Hom fi hom egya abonsam no mu, na hom egya n'akon-dodze na hom pe de hom ye. Ono na oye owudzifo fir ahyese no, na onntsen nokwar mu, osiande nokwar no nnyi no mu. Se okā atofosem a, ofi nankasa n'adze mu na okā, osiande oye otorfo nye atofosem n'egya. 45 Na emidze, mekā nokwar no ntsi, hom nngye me ndzi. 46 Hom mu woana na obu me bon ho fo? Se mekā nokwar a, oye den na hom nngye me ndzi? 47 Nyia ofi Nyankopon mu no, otsie Nyankopon nsem: iyi ntsi na hom nntsie, osiande hom mifi Nyankopon mu. 48 Na Jewfo no buae see no de, Yennkā no yie de eye Samarianyi na ewo abonsam? 49 Jesus buaa de, Minnyi abonsam, na midzi m'Egya nyi, na homdze, hom ndzi me nyi. 50 Na emidze monnhwehwe mankasa m'enyimnyam, na obi wo ho a ohwehwe na obua atsen. 51 Nokwar, nokwar, mese hom de, se obi dzi m'asem do a, orunnu wu ara da. 52 Na Jewfo no see no de, Afei na yeenya ehu de ewo abonsam. Abraham nye nkonhyefo no wui, na owodze ese de, Se obi dzi m'asem do a, onnaso owu nnhwe da. 53 Ana owo so kye hen egya Abraham a owui no? Na nkonhyefo no so wui: eye woho den nye yi? 54 Jesus buaa de, Se mehye moho enyimnyam a, m'enyimnyam nnye hwee: m'Egya na ohye me enyimnyam, ono a

hom kã dɛ ɔyɛ hom Nyankopon no; 55 naaso hom nnyim no; na emidze, minyim no; na sɛ mekã dɛ minnyim no mpo a, meɔyɛ ɔtorfo dɛ hom; na minyim no na midzi n'asɛm do. 56 Hom egya Abraham dzii dɛw dɛ obohu me da; na ohunii, na n'enyi gyee. 57 Na Jewfo no see no dɛ, Innyaɛ nndzii mfe eduonum, na ehɔ Abraham? 58 Jesus see hɔn dɛ, Nokwar, nokwar, mese hom dɛ, ansaana Abraham rebɛba no, nna mowɔ hɔ. 59 Nna wɔtasee abo dɛ wɔbɔtow abo no; na Jesus huntɔa noho na ofir edzi fii asorɔ no mu. Na ɔfaa hɔn finimfin twaa mu kɔree.

**9** Na orutwa mu no, ohun nyimpa bi a ɔyɛ onyifurafo fi n'awoo mu. 2 Na n'esuafo bisaa no dɛ, Rabbi, woana na ɔyɛ hɔn, nyimpa yi anaa n'awofo a, dɛ wɔwoɔ no onyifurafo? 3 Jesus buaa dɛ, Nnye nyimpa yi na ɔyɛ hɔn, eso nnye n'awofo a, na mbrɛ Nyankopon ndwuma bɛda edzi wɔ no mu ntsi a. 4 Otwar dɛ, adzekyee wɔ do yi, yeyɛ nyia ɔsɔmaa me no no ndwuma; na adzesaa rebɛba ma obi nntum nnye edwuma. 5 Mowɔ wiadze yi, emi nye wiadze ne kan. 6 Ɔkãa dɛm yi no, ɔtoɔ ntafi guu daadze, na ɔdze ntafi no yɛ dɛtse seraa n'enyiwa do, 7 na ɔsee no dɛ, Kɔ kohohor wɔ nsutaɛ Siloam mu (ne nkɛyɛase nye, Nyia wɔasoma no). Na osii mu kɔree kɔ-hohoree, na ɔbae no nna ohu adze. 8 Dɛm ntsi no sɔnmufɔ nye hɔn a nkan no wohun no dɛ ɔyɛ ohuafɔ no see no dɛ, Ana nnye oyi na ɔtse hɔ sɛrsɛrsɛ adze no? 9 Binom see dɛ, Ono nye yi; binom so see dɛ, Dabi, na ɔnye no sɛ; na nankasa dze ɔsee dɛ, Emi nye no. 10 Na wɔsee no dɛ, Woduaa dɛn mbo buee w'enyi? 11 Obuaa dɛ, Nyimpa a wɔfrɛ no Jesus no yɛ dɛtse dze seraa m'enyi do, na ɔsee me dɛ, Kɔ nsutaɛ Siloam mu kohohor; na mokɔree kohohoree nna muhu adze yi. 12 Na wɔsee no dɛ, Ono ɔwo hɛn? Ɔsee dɛ, Minnyim.

13 Wɔdze nyia nkan no ɔyɛ onyifurafo no brɛ Phariseefo no. 14 Na da a Jesus yɛ dɛtse na obuee n'enyiwa no yɛ ahomgyeda. 15 Dɛm ntsi Phariseefo no so bisaa no bio, mbrɛ osii hun adze. Na ɔsee hɔn dɛ, Dɛtse na ɔdze guu m'enyiwa do, na mohohoree, na muhun adze.

16 Na Phariseefo no mu binom see dɛ, Nyimpa yi mmfi Nyankopon nkyɛn, osiandɛ onnsie ahomgyeda; binom so see dɛ, Ɔɔyɛ dɛn na nyimpa dzebonyenyi botum aye nsɛnkyeredze a ɔtse dɛm yi? Na mpaapaamu baa hɔn mu. 17 Na wɔsee onyifurafo no bio dɛ, Na ɔwo dze, ekã dɛn wɔ no ho, dɛ obuee w'enyiwa? Ɔsee dɛ, Ɔyɛ nkɔnhyenyi. 18 Na Jewfo no anngye no ho asɛm no enndzi, dɛ nkyɛ ɔyɛ onyifurafo na afei ohu adze, dze kodur dɛ wɔfrɛ nyia ohun adze no n'awofo. 19 Na wobisaa hɔn dɛ, Ana hom ba a hom sɛ wɔwoɔ no onyifurafo no nye yi? Afei ɔyɛ dɛn na ohu adze yi? 20 N'awofo no buae see hɔn dɛ, Yenyim dɛ hɛn ba nye yi, yenyim so dɛ wɔwoɔ no onyifurafo; 21 na mbrɛ ɔyɛ na afei ohu adze yi dze, yennyim; na nyimpa kor a obuee n'enyiwa no so, yennyim; ɔnoara oenyin; hom mbisa no, na nankasa bɛkã noho asɛm. 22 N'awofo kãa yi, osiandɛ wosuroko Jewfo no, na Jewfo no apam dada dɛ, sɛ obi pa mu kã dɛ ɔno nye Christ no a, wɔbɛpam no efi nhyiamudan mu. 23 Dɛm ntsi na n'awofo kãa dɛ, Oenyin: hom mbisa no. 24 Na wɔfrɛ nyimpa a nkan no ɔyɛ onyifurafo no ne mpen ebien, na wɔsee no dɛ, Fa enyimnyam ma Nyankopon, na hendze, yenyim dɛ nyimpa yi yɛ dzebonyenyi. 25 Na obuaa dɛ, Sɛ ɔyɛ dzebonyenyi a, minnyim. Adze kor na minyim, dɛ nkyɛ meye onyifurafo, na afei dze muhu adze. 26 Wɔsee no dɛ, Ɔyɛ wɔ dɛn? Oduaa dɛn buee w'enyiwa? 27 Obuaa hɔn dɛ, Makã akɛyɛ hom dada, na hom enntsie; eɛnadze ntsi na hom pɛ etsie bio? Hom so pɛ dɛ hom dan n'esuafo anaa? 28 Na wɔyaw no na wɔsee dɛ, Ɔwo na eye no suanyi, na hendze, Moses esuafo nye hɛn. 29 Yenyim dɛ Nyankopon akasa akɛyɛ Moses, na oyidze, yennyim mbrɛ ofi. 30 Onyimpa no buae see hɔn dɛ, Iyi mu na ɔyɛ nwanwa, dɛ hom nnyim mbrɛ ofi, naaso obuee m'enyiwa. 31 Yenyim dɛ Nyankopon nntsie ndzebonyefo, na sɛ obi yɛ Nyankopon no somfo na ɔyɛ n'apɛdɛ a, ɔno na otsie no. 32 Ofitsi dɛ wiadze hyɛ ase wɔnntse dɛ obi ebue nyia wɔawo no onyifurafo no n'enyiwa pɛn: 33 sɛ oyi mmfi Nyankopon nkyɛn a, nkyɛ onntum nnye hwee. 34 Wobuae see no dɛ, Ɔwo,

bɔn mu koraa na wɔwɔ wo, na ɔwo na erekyerɛkyerɛ hɛn yi? Na wɔpaaɔ mu fiir edzi.

35 Jesus tsee dɛ wɔapam no efi edzi, na ohun no dɛ, ɔsee no dɛ, Ana egye Nyankopɔn Ba no dzi? 36 Na obuae see no dɛ, Mo wura, ɔno nye woana, na mengye no mindzi? 37 Jesus see no dɛ, Ehu no na eso nyia ɔnye wo rekasa yi nye ɔno. 38 Na ɔsee no dɛ, Mo wura, megye midzi; na ɔkotowee ɔɔr no. 39 Na Jesus see dɛ, Atɛmbu ntsi na mebaa wiadze yi mu: ma hɔn a wonnhu adze no woehhu, na hɔn a wohu adze no wɔaadan enyifurafo. 40 Na Phari-seefo no mu bi a wɔnye no wɔ hɔ tsee nsɛm yi, na wɔsee dɛ, Aso hɛn so ysɛ enyifurafo? 41 Jesus see hɔn dɛ, Sɛ hom ysɛ enyifurafo a, nkyɛ hom nnyi bɔn; na afei hom sɛ dɛ, Yehu adze: ntsi na hom bɔn aka hɔ.

**10** NOKWAR, nokwar, mese hom dɛ, Nyia onndua abowano nnko nguamban no mu, na ɔfow fa beebi no, ɔye owifo nye odwotwafɔ; 2 na nyia odua abowano kɔ mu no nye nguan no hwɛfo. 3 ɔno na abowanohwɛfo no bue ma na, na nguan no tse ne ndze, na ɔbɔ nankasa no nguan dzin frɛ hɔn, na ɔdze hɔn fir edzi. 4 Na ɔdze nankasa no nguan nyina fir edzi a, ɔdzi hɔn enyim, na nguan no dzi n'ekyir, osiandɛ wonyim ne ndze. 5 Na ɔnana dze, worinnndzi n'ekyir, na woboguan efi ne nkyɛn, osiandɛ wonnyim anana edze. 6 Abɛbusɛm yi na Jesus kaa kyertɛ hɔn, na hɔndze, woennhu asɛm kor a Jesus rekɔ kyertɛ hɔn no.

7 Dɛm ntsi Jesus see hɔn bio dɛ, Nokwar, nokwar, mese hom dɛ, emi nye nguan no abow no. 8 Hɔn a wodzii me kan bae no nyina ysɛ ewifo nye edwotwafɔ; naaso nguan no enntsie hɔn. 9 Emi nye abow no; emi na sɛ obiara nam mo do kɔ mu a, wɔbɛgye no nkwa, na ɔbɔkɔ mu befiir, na obenya edzidzibea. 10 Owifo no mmba gyedɛ orubowia, na oeku, na ɔasɛ; emidze, mebae ma woenya nkwa, na woenya no mborɔ. 11 Emi nye oguanhwɛfo pa no: oguanhwɛfo pa no dze no nkwa to hɔ ma nguan no. 12 Na ɔpaanyi no a ɔnnysɛ oguanhwɛfo a nguan no nnye nankasa nedze no, ohu dɛ pataku reba a, ogya nguan no hɔ na oguan;

na pataku no ba bototɔr hɔn na ɔhɔtse hɔn gu. 13 ɔpaanyi guan, osiandɛ ɔye ɔpaanyi na ɔnnɔwen nguan no do. 14 Emi nye oguanhwɛfo pa no: minyim medze, na medze nyim me, 15 dɛ mbɛrɛ Egya no nyim me na minyim Egya no; na medze mo nkwa moto hɔ ma nguan no. 16 Na mowɔ nguan bi so a wommfi ban yi mu; hɔn so otwar dɛ medze hɔn meba, na wobetsie me ndze, na wɔaaye okuw kor nye oguanhwɛfo kor. 17 Dɛm ntsi na Egya no do me, osiandɛ medze mo nkwa moto hɔ na maafa no bio. 18 Obi ngye no me nsamu; na mbom nankasa na medze moto hɔ: mowɔ tum dɛ medze moto hɔ, na mowɔ tum dɛ mɛfa no bio. Akyedze yi na minyaa no m'Egya hɔ.

19 Na mpaapaamu bi baa Jewfo no mu bio wɔ asɛm yi ntsi. 20 Na hɔn mu pii see dɛ, ɔwo abonsam, na ɔabo dam: ɔye dɛn na hom ritsie no? 21 Binom see dɛ, Iyi nnye nyia ɔwo abonsam ne nsɛm a. Aso abonsam botum ebue onyifurafo enyiwa anaa?

22 Afei asɔrfi ne ntsewho afahye no edu wɔ Jerusalem: awɔwber so aba. 23 Na Jesus nenam asɔrfi no mu wɔ Solomon abrandaa mu. 24 Na Jewfo no botwae hyiaa no, ma wɔsee no dɛ, Ebema hɛn enyi ada kwan ekɛsi daben bio? Sɛ ɔwo nye Christ no a, kaa kyertɛ hɛn kotoo. 25 Jesus buaa hɔn dɛ, Makɔ makyertɛ hom, na hom ngye nndzi; ndwuma a menam m'Egya ne dzin do meye no, ɔnoara na ɔdzi me dase. 26 Na homdze hom ngye me nndzi, osiandɛ hom mmfi mo nguan mu. 27 Mo nguan tsie me ndze, na minyim hɔn, na wodzi m'ekyir: 28 na mema hɔn onnyiewie nkwa, na worenhera da, eso obi runnhwim hɔn wɔ me nsamu. 29 M'Egya a ɔdze hɔn ama me no, ɔye kɛsɛ kyeɛn adze nyina na obi runntum ehwim hɔn m'Egya ne nsamu. 30 Emi nye Egya no ysɛ kor. 31 Jewfo no faa abo bio dɛ wɔdze besiɔ no. 32 Jesus buaa hɔn dɛ, Ndwuma pa pii na mifi m'Egya nkyɛn dze akyertɛ hom: ndwuma yi mu dza ɔwo hɛn ntsi na hom ribesiɔ me abo yi? 33 Jewfo no buaa dɛ, Nnye edwuma pa bi ntsi na yeribesiɔ wɔ abo, na ebususɛm ntsi a; na osiandɛ ɔwo a eye nyimpa yi,

eye woho Nyankopon ntsi a. 34 Jesus buaa hon de, Ana wonnkyerewee wo hom mbra mu de, Mekaa de hom ye enyame? 35 Se ofree hon a Nyankopon asem baa hon ho no enyame a (na kyerewsem no wonntum nnsan no), 36 ana hom ka wo nyia Egya no etu no esi ho na osoma no wiadze no ho, Ekä ebususem; osiande mekaa de, Emi nye Nyankopon Ba ntsi? 37 Se mennye m'Egya ndwuma a, mma hom nngye me nddzi; 38 na se meye a, kaansa hom nngye emi ara nddzi mpo a, hom ngye ndwuma no ndzi, ma hom aatse ase na hom eehu de Egya no wo mo mu na mo so mowo no mu. 39 Na wohwehwet bio de wokyer no, na ofii hon nsamu koree.

40 Na osii mu kor Jordan egya noho bio, mbre nkan no John runuma no; na oketsenaa ho. 41 Na dodowara baa ne nkyen, na wosee de, John dze, cannye asenkyersdze biara: na dza John kae wo oyi ho nyina ye nokwar. 42 Na dodowara gyee no dzii wo ho.

**11** NA yiarfo bi wo ho a wofre no Lazarus a ofi Bethany, Mary nye no nuabaa Martha hon kurow mu. 2 Mary a odze ngohuam seraa Ewuradze na odze ne tsinhwi pepaa n'anan ho na no nuabanyin Lazarus yaree no. 3 Dem ntsi ne nkyerabaa no somae baa no ho bsee de, Ewuradze, hwe, nyia edo no na yar. 4 Na Jesus tsee no osee de, Yarba yi nnye wuyarba, na Nyankopon enyimnyam ntsi a, ama wɔnam do aahye Nyankopon Ba no enyimnyam. 5 Na Jesus doo Martha nye no nuabaa nye Lazarus. 6 Na afei ber a otsee de yar no otsenaa mbre owo no ara ndaenu. 7 Nna n'ekyir no, osee n'esuafɔ no de, Hom mma yenko Judaea bio. 8 Esuafɔ no see no de, Rabbi, onnkyeree biara na Jewfo no hwehwet wo esiw wo abo, na eroko ho bio? 9 Jesus buaa de, Ana nnye ndonhwer duebien na owo adzekyee mu? Se obi nam ewia a, ommfintsiw, osiande ohu wiadze yi kan no. 10 Na se obi nam anago a, ofintsiw, osiande kan nnyi no mu. 11 Okäa yinom, na n'ekyir no osee hon de, Hen nyenko Lazarus ada, na moroko mekenyan no. 12 Na esuafɔ no see no de, Ewuradze, se cada dze a, nna

obanya nkwa. 13 Na Jesus dze, okäa no wo no wu ho, na hondze, wosusu de eregye ahom wo nda mu ho asem na orekä. 14 Nna Jesus kaa kyeret hon kotoo de, Lazarus ewu; 15 na oye me daw wo hom ntsi de minnyi ho, ama hom aagye edzi: naaso hom mma yenko ne nkyen. 16 Na Thomas a wofre no Didymus (Ata) no see ne mfefo esuafɔ no de, Hom mma hen so yenye no nko na yenye no eewu.

17 Na Jesus bae no obohun de oedzi ndaanan wo nda no mu dada. 18 Eso Bethany ben Jerusalem ho beye akwansimba duenum. 19 Na Jewfo pii aba Martha nye Mary nkyen de wobegyam hon wo hon nua ntsi. 20 Martha tsee de Jesus reba no, okoree kehyaia no; na Mary dze, odaa ho tsenaa ase wo fie. 21 Na Martha see Jesus de, Ewuradze, se ewo ha a, nkye no nuabanyin ennwu. 22 Na seseiara mpo, minyim de biribiara a ibebisa Nyankopon no, Nyankopon dze bema wo. 23 Jesus see no de, Wo nuabanyin bosor bio. 24 Martha see no de, Minyim de da a odzi ekыр wunyan no mu, bosor. 25 Jesus see no de, Emi nye wunyan no nye nkwa no: nyia ogye me dzi no, owu mpo a, obetsena ase, 26 na obiara a otse ase na ogye me dzi no, onnkowu da. Ana egye yi dzi? 27 Osee no de, Nyew, Ewuradze, magye medzi de owo nye Christ no, Nyankopon Ba no a orega wiadze no. 28 Na okäa dem no, osii mu koree kefre no nuabaa Mary nsumaa mu de, Kyerskyerfo no aba, na ofre wo. 29 Na ono so otsee no, osor ntsemara na obaa ne nkyen. 30 Na Jesus nnyae mmbaa kurow no mu, na owo mbre Martha kehyaia no ho no. 31 Na Jewfo a wonye no wo fie rigyam no no, wohun Mary de osor ntsem epue no, wodzii n'ekyir, na wosusu de oroko nda no do ekosü wo ho. 32 Na Mary dze, odor mbre Jesus wo no, na ohun no no, ohwee n'ananadze see de, Ewuradze, se ewo ha a, nkye no nuabanyin ennwu. 33 Na Jesus hun de orusu na Jewfo a wonye no bae no so rusü no, osii nkrum wo no sunsum mu na oye no awerchow, 34 na osee de, Hom dze no ato hen? Wosee no de, Ewuradze, bra bohwe. 35 Jesus süi. 36 Nna Jewfo no see de, Hwe mbre odo no. 37 Na hon

mu binom see dɛ, Oyi a obuee onyifurafo no enyiwa no, oennntum amma dɛ nkyɛ oyi so oennwu anaa? 38 Na Jesus sii nkrum wɔ no mu bio, na obaa nda no do: obodan a, na obo hin ano. 39 Jesus see dɛ, Hom nyi obo no. Nyia owul no nuabaa Martha see no dɛ, Ewuradze, sesei dze ɔasɛɛ, na oedzi ndaanan. 40 Jesus see no dɛ, Ana mannse wo dɛ, sɛ egye dzi a, ibohu Nyankopon enyimnyam? 41 Na woyii obo no. Na Jesus maa n'enyiwa do na ɔsee dɛ, Egya, meda wo ase dɛ itsie me: 42 na emidze, minyim dada dɛ itsie me daa, na nyimpadodow a wogyinagyina ho yi ntsi na mesee dɛm, ama wɔaagye edzi dɛ ɔwo na esomaa me. 43 Na ɔkɛa dɛm no, ɔdze ndze kese tsɛaa mu dɛ, Lazarus, fir bral 44 Nyia owui no firii bae: nda mu atam kye-kyer ne nan nye ne nsa, na duuku kye-kyer n'enyim: na Jesus see hon dɛ, Hom nsan no, na hom mma onko.

45 Na Jewfo no mu pii a wobaa Mary nkyen na wohun dza ɔyɛ no, wɔgyee no dzii; 46 na hon mu binom sii mu kor Phariseefo nkyen kekɛa dza Jesus yɛ no kyɛɛ hon.

47 Na asofompanyin nye kyɛrɛwfo no maa wokehyaia baguafo no, na wɔsee dɛ, Yereye dɛn? na nyimpa yi reyɛ nsenkyɛrdze pii. 48 Sɛ yegyaa no dɛm a, nyimpa nyina begye no edzi, na Romefo afa hen bea nye hen man yi. 49 Na hon mu baako bi, Calaphas a odzi afe noara mu sofopanyin, see hon dɛ, Hom nnyim hwee, 50 na eso hom ndwen dɛ oye ma hen dɛ nyimpa kor bowu ama oman no, na oman no nyina aannhera. 51 Na iyi, nnye nankasa no ɔkɛa, na odzi afe noara mu sofopanyin ntsi, ɔhyɛ nkom dɛ Jesus rubowu ama oman no, 52 na nnye oman no nko ntsi, na dɛ ɔrebekɛ Nyankopon mba a woapetse nyina so abɔ mu aye kor. 53 Nna ofitsi da no ara wɔfaa apam dɛ woboku no.

54 Dɛm ntsi Jesus annantsew petee wɔ Jewfo no mu bio; na ofii ho kor asaase a oben sar no ho no do, wɔ kurow a wɔfre no Ephraim mu, na onye n'esuafo ketsenaa ho. 55 Na Jewfo apaho no aben, na dodowara fir asaase no do kor Jerusalem ansaana apaho no edu dɛ worukoguar honho. 56 Na wohwehweɛ Je-

sus, na wogyinaa asorfi no mu sesee honho dɛ, Hom dwen dɛn? Oremmba afahyɛ yi ase anaa? 57 Na asofompanyin no nye Phariseefo no ahye mbra dɛ, obi nyim mbre ɔwo a, ɔnkekyɛr ma wonkyer no.

**12** AFEI aka nda esia ma apaho no edu no Jesus baa Bethany, mbre Lazarus a onyaan no fii ewufo mu no wɔ. 2 Na wɔtoo no pon wɔ ho, na Martha so-mee, na Lazarus dze, ɔyɛ hon a wɔnye no tsenaa edzidzi no mu baako. 3 Na Mary faa *nard* ngohuam kron-gyenn a ɔsom bo pon kor dze beseraa Jesus n'anan ho, na ɔdze no nhwi pepaa n'anan ho; na ngo no no huam hyɛ dan no mɛ. 4 Na n'esuafo no mu baako, Judas Iscariot a oribeyi no ama no, see dɛ, 5 ɔyɛ dɛn na wɔannton ngohuam yi anngye *denare* ahaesia, na wɔammfa amma ehiafo? 6 ɔkɛa yi no, nnye dɛ ɔdwen ehiafo do ntsi a, na osiande ɔyɛ owifo, na okura kotoku no, na ɔfɛfa dza wɔdze gu mu no. 7 Na Jesus see dɛ, Hom ngyaa no: ɔayɛ yi dze ama me sie-da no; 8 na ehiafo dze, hom wɔ hon hom nkyen daa, na emidze, hom nnyi me daa.

9 Na Jewfo mu nyimpadodow no tsee dɛ ɔwo ho, na wobae, nnye Jesus ntsi nko, na dɛ wobohu Lazarus so a onyaan no fii ewufo mu no. 10 Na asofompanyin no faa apam dɛ woboku Lazarus so, 11 osiande ne ntsi na Jewfo pii roko na wɔrekegye Jesus edzi.

12 Adze kyee no nyimpadodow pii a wobaa afahyɛ no ase no tsee dɛ Jesus reba Jerusalem no, 13 wɔfɛfaa berɛw na wofir edzi dɛ worikehyia no kwan, na wɔtsɛatseaa mu dɛ, Hosanna, nhaira nye nyia onam Ewuradze dzin mu reba no, Israel Hen no a! 14 Na Jesus hun aso-asoba bi no, ɔtsenaa no do dɛ mbre wɔakyerɛw dɛ, 15 Mma nnsuro, Sion babaa: hwe, wo Hen reba, ɔtse aso-asoba do! 16 Iyinom n'esuafo no anntse ase kan no, na wɔhyɛ Jesus enyimnyam no, nna wokaa dɛ wɔakyerɛw yinom wɔ no ho, na wɔaye ama no. 17 Na nyimpadodow a wɔnye no wɔ ho na ɔfreɛ Lazarus fir nda mu na onyaan no fii ewufo mu no dzii dase. 18 Iyi ntsi na nyimpadodow no kehyaia no kwan, osiande wɔtsee dɛ wɔaye dɛm nsenkyɛrdze

yi. 19 Na Phariseefo no kãe wɔ hɔn mu dɛ, Hom hu dɛ hom nnya hwɛe: hwe, wiadze etu edzi n'ekyir.

20 Na Greekfo bi wɔ hɔn a wɔaba dɛ wɔrobɔsɔr wɔ afahyɛ no ase no mu. 21 Woyi na wɔbaa Philip a ofir Bethsaida a ɔwɔ Galilee ne nkyɛn, na wɔbɛbisaa no dɛ, Owura, yɛpɛ dɛ yehu Jesus. 22 Philip bae bɛkãa kyerɛɛ Andrew, na Andrew nye Philip bɛkãa kyerɛɛ Jesus. 23 Jesus buaa hɔn dɛ, Don no edu a wɔbɔshyɛ nyimpa Ba no enyimnyam. 24 Nokwar, nokwar, mese hom dɛ, sɛ ewifu a anntɔ famu ennwu a, no nko na ɔda ho; na sɛ owu a, ɔsow aba pii. 25 Nyia ɔdo no nkwa no, ɔyew no, na nyia ɔtan no nkwa wɔ wiadze yi mu no, ɔbɔkora no ako onnyiewiei nkwa mu. 26 Sɛ obi som me a, ma ondzi m'ekyir, na mbɛ mowo no, ho na mo somfo so baba; sɛ obi som me a, ɔno na m'Egya no bedzi no nyi. 27 Afei na me kra ho guan no, na mense den? Egya, gye me fi don yi mu? Naaso iyi ntsi na mebaa don yi mu. 28 Egya, hyɛ wo dzin enyimnyam. Na ndze bi fi sor bae dɛ, Mahyɛ no enyimnyam dada, na meɔhyɛ no bio. 29 Na nyimpadodow a wogyinagyina ho tsee no, wɔkãa dɛ ɔsenaman abɔ mu; binom see dɛ, ɔbofo akasa akyerɛ no. 30 Jesus buae see dɛ, Nnye emi ntsi na ndze yi bae, na hom ntsi a. 31 Afei nye wiadze atsembu; afei na wɔbɔtow wiadze yi hen akyen. 32 Na emidze, sɛ wonya ma mo do fi asaase do a, mobɔtwe nyimpa nyina aba me nkyɛn. 33 Na iyidze ɔkãe dze kyerɛ owu kor a orubowu. 34 Na nyimpadodow no buaa dɛ, Yeatse wɔ mbra no mu dɛ Christ no tse ho daa, na ɔyɛ den na ɔwodze ese dɛ otwar dɛ wɔma nyimpa Ba do yi? Woana nye nyimpa Ba yi? 35 Na Jesus see hɔn dɛ, Aka aber kakra na kan no wɔ hom mu: ber a hom wɔ kan no, hom nnantsew na sum no aammɔto hom; na nyia ɔnantsew sum mu nnyim mbɛ ɔroko. 36 Ber a hom wɔ kan no, hom ngye kan no ndzi, na hom aaye kan mba.

Iyinom na Jesus kãe na ofi ho dze noho kosumaa hɔn. 37 Na ɔaye dem nsenkyɛrdze pii yi wɔ hɔn enyim dze, naaso wɔanngye no ennɔdzi, 38 ma Isaiah nkɔnhysenyi n'asɛm a ɔkãe no aaba mu dɛ,

Ewuradze, woana agye hen asɛnka edzi?

Woana na woeyi Ewuradze abasa akyerɛ no?

39 Iyi ntsi na woenntum anngye ennɔdzi, ɔsiande Isaiah kã bio dɛ,

40 Oefura hɔn enyiwa, na ɔepirim hɔn akoma,

Ma wɔaammfa hɔn enyiwa ennhu na wɔaammfa hɔn akoma anntse ase,

Na wɔaanndan hɔnho,

Na maansa hɔn yarba.

41 Iyinom Isaiah hun n'enyimnyam ntsi na ɔkãe, na ɔkãa no ho asɛm.

42 Naaso mpanyimfo no so mu pii gyee no dzi. Na osian Phariseefo no ntsi wɔaampaa mu annkã, mma wɔaanntam hɔn emmfi nhyiamudan mu; 43 na wɔdɔɔ nyimpa enyimnyam seen Nyankopon enyimnyam.

44 Na Jesus tsɛaa mu see dɛ, Nyia ɔgye me dzi, nnye emi na ɔgye me dzi, na nyia ɔsomaa me no a. 45 Na nyia ohu me no, ohu nyia ɔsomaa me no. 46 Maba wiadze dɛ kan, ma obiara a ɔgye me dzi no aanntsena sum mu. 47 Na sɛ obi tse me nsem na ɔammfa ennsie a, emidze, mummbu no atsen; na mammba dɛ murubobu wiadze atsen, na mbom dɛ mereɔgye wiadze nkwa. 48 Nyia ɔpow me, na ɔnngye me nsem no, ɔwɔ nyia obu no atsen: asɛm no a mekãe no, ɔnoara na obobu no atsen wɔ da a ɔdzi ekyir no mu. 49 Osian dɛ emidze, mannhyɛ moho annkasa, na Egya no a ɔsomaa me no, ɔno na ɔama me mbrasem dza mense nye dza menkã. 50 Na minyim dɛ ne mbrasem yɛ onnyiewiei nkwa. Ntsi dza mekã no, mbɛ Egya no akasa akyerɛ me no, demara na mekã.

**13** Na ansaana apaho afahyɛ no rubodu no, Jesus nyim dɛ no don edu dɛ oribefi wiadze yi mu ako Egya nkyɛn no, ɔdɔɔ nankasa nedze a wɔwɔ wiadze no, ɔdɔɔ hɔn kesii ewiei. 2 Na woridzidzi no, na abɔnsam enya dze ahyɛ Judas Iscariot, Simon ne ba, n'akoma mu dɛ onkeyi no mma, 3 na Jesus nyim dɛ Egya no dze ndzɛmba nyina ahyɛ ne nsa, na dɛ ofir Nyankopon nkyɛn bae, na ɔroko Nyankopon nkyɛn no, 4 ɔsoɔree fiir edzidzi na oyii ne ntar guu nkyɛn, na ɔfaa entuho bɔɔ noho do. 5 Na afei ohuee nsu guu guarsen mu, na ɔhyɛ ase hohoor n'esuafo no



anan ho, na ɔdze entuho no a ɔbo noho do no pepae. 6 Na obodur Simon Peter do. Na ɔsee no de, Ewuradze, ɔwo rohoor emi m'anan ho? 7 Jesus buae see no de, Dza mereye yi, innyim sesei, na daakye ibohu. 8 Peter see no de, Ennkohoor m'anan ho da! Jesus buaa no de, Se mannhoor wo ho a, innyi m'afā. 9 Simon Peter see no de, Ewuradze, nnye m'anan nko, na me nsa nye me tsir ho so. 10 Jesus see no de, Nyia oeguar, onnhia no gyede n'anan ho hohor, na no ho nyina efir. Na hom no efir, na nnye hom nyina. 11 Na onyim nyia oribeyi no ama: dem ntsi na ɔsee de, Nnye hom nyina na hom ho efir.

12 Na wiee hon anan ho hohor, na ɔfaa n'atar, ɔtweer ho bio no, ɔsee hon de, Hom ehu dza maye hom yi? 13 Hom fra me Kyerskyersfo nye Ewuradze, na hom kã no yie, ɔsiand meye dem. 14 Na se emi, Kyerskyersfo nye Ewuradze, mahohor hom anan ho a, hom so ɔse de hom hohor hom anan ho nkorkor. 15 Na mama hom mfatoho, ama hom so aaye de mbre maye hom yi. 16 Nokwar, nokwar, mese hom de, akowaa nnkyen no wura, eso ɔsomafo nnkyen nyia ɔsoma no. 17 Se hom nyim vinom a, hom dzi do a, nhyira akã hom. 18 Mennkã no wo hom nyina ho: minyim hon a mapa hon; na de kyersw no beba mu de, Nyia ɔnye me dzidzi no na ama n'anantsir do etsia me no. 19 Afei mekã mekyers hom ansaana aba mu, na se ɔba mu a, hom aagye edzi de emi nye no. 20 Nokwar, nokwar, mese hom de, Nyia ɔgye obiara a mosoma no no, ɔgye me; na nyia ɔgye me no, ɔgye nyia ɔsoma me no.

21 Jesus kãa dem no, no sunsum ho guaan no, na ɔgyee dase de, Nokwar, nokwar, mese hom de, Hom mu baako beyi me ama. 22 Esuafo no lwehweh hon enyim nkorkor, na woennhu nyimpa kor a ɔrekyers. 23 Na esuafo no mu baako a Jesus dɔɔ no twer no bo mu. 24 Dem ntsi Simon Peter too ne nsa de ombisa nyia ɔrekã no ho asem no. 25 Na ɔpae tweer Jesus no bo mu no ɔsee no de, Ewuradze, woana a? 26 Jesus buaa de, ɔno nye nyia medze trɔma mobɔ mu mama no no. Na ɔdze trɔma no bo mu no, ɔdze maa Judas

Iscariot, Simon ne ba no. 27 Na trɔma no ekyir no, nna abonsam kɛheɛ no mu. Na Jesus see no de, Dza ereye no, ye no ntsem. 28 Na hon a wɔtsetse pon no ho mu biara ennhu dza osian ntsi ma ɔsee no dem. 29 Na binom dween de Judas kura kotoku no ntsi na Jesus see no de, Kototo dza ohia han sie afahye no, anaade ɔmfa biribi mma ehiafo. 30 Na ɔnodze ɔgyee trɔma no, ntsem ara na ofiir edzi; na ɔye anafua.

31 Na ofiir edzi no, Jesus see de, Afei wɔahye nyimpa Ba no enyimnyam, na wɔahye Nyankopon enyimnyam wo no mu. 32 Na Nyankopon so behye no enyimnyam wo nankasa no mu, na ɔbehye no enyimnyam ntsem. 33 Mbofraba, aka kakrabaabi na menye hom wo ho: hom bohwehwe me, na de mbre mesee Jewfo no, Mbre moroko hom runntum ho ba no, demara na mese hom so sesei. 34 Mbrasem fofor na medze mema hom, de hom ndodo homho nkorkor: de mbre mado hom no, hom so ndodo homho demara. 35 ɔnam yi do na nyimpa nyina bohu de hom ye m'esuafo, se hom wo ɔdo wo homho nkorkor a.

36 Simon Peter see no de, Ewuradze, eroko hen? Jesus buaa de, Mbres moroko irunntum mo do ka sesei, na n'ekyir no dze, ebeka mo do. 37 Peter see no de, Ewuradze, ebenadze ntsi na murunntum wo do ka sesei: medze mo nkwa moboto ho mama wo. 38 Jesus buaa de, Edze wo nkwa boto ho ama me? Nokwar, nokwar, mese wo de, Akoko rommbon na apa me mpransa.

**14** MMA hom akoma nntutu: hom ngye Nyankopon ndzi, hom ngye mo so ndzi. 2 M'egya fie wo tsenabew pii; se ɔntse dem a, nkye makã akyers hom. Moroko ekesiesie beebi mama hom. 3 Na se moko, na mikesiesie beebi ma hom a, mebeba bio mabefa hom ako mankasa me nkyen, na mbre mowo no, hom so aaba ho. 4 Na mbre moroko no, hom nyim kwan no. 5 Thomas see no de, Ewuradze, yennyim mbre eroko, na yebye den ehu kwan no? 6 Jesus see no de, Emi nye ɔkwan no, nye nokwar no, nye nkwa no; obi mmba Egya no ho, gyede ɔnam mo do. 7 Se hom enya ehu me a, nkye hom ehu m'Egya no

so; na ofitsi nde hom nyim no, na hom ehu no. 8 Philip see no de, Ewuradze, kyere hen Egya no na odoo hen so. 9 Jesus see no de, Ana menyehom wo ho dadaada yi, innyim me, Philip? Nyia oehu me no, oehu Egya no; na oye den na ese de, Kyere hen Egya no? 10 Ana enngye ndzi de mowo Egya no mu, na Egya no so wo mo mu? Nsem a meka kyere hom yi, mennhye moho meka, na Egya no a otse mo mu no, ono na oye ndwuma no. 11 Hom ngye me ndzi de mowo Egya no mu, na Egya no so wo mo mu; na annyehom a, ndwuma noara ntsi hom ngye me ndzi. 12 Nokwar, nokwar, mese hom de, Nyia ogye me dzi no, ndwuma a meye no, no so beye, na dza okyen yinom na obeye, osiande moroko Egya no ho. 13 Na biribiara a hom besere wo me dzin mu no, ono na mebye, ama Egya no eenya enyimnyam wo Ba no mu. 14 Se hom sere biribi wo me dzin mu a, mebye. 15 Se hom do me a, hom ndzi me mbransam do. 16 Na mibebisa Egya no, na oama hom Okyigyinafo fofor, ma oye hom aabetsena daa: 17 nokwar Sunsum no a: ono na wiadze nntum ngye no; osiande onnhu no, na eso onnyim no: na homdze, hom nyim no; osiande otse hom nkyen, na obetsena hom mu. 18 Miringingya hom ngyanka, mebeba hom nkyen. 19 Aka kakrabaabi na wiadze nnhu me bio, na homdze, hom hu me; osiande metse ase yi, hom so btsena ase. 20 Da no hom bohu de mowo m'Egya no mu na hom wo no mu, na mo so mowo hom mu. 21 Nyia owo me mbransam na odzi do no, ono nye nyia odo me, na nyia odo me no, m'Egya bodo no, na mo so mobodo no, na mibeyi moho makyer no. 22 Judas (nnye Iscariot bi a) see no de, Ewuradze, eben na aba, na iribeyi woho akyer hen na nnye wiadze a? 23 Jesus buae see no de, Se obi do me a, obesie m'asem: na m'Egya bodo no, na yebaba ne nkyen, na yebaye hen tsenabew wo ne nkyen. 24 Nyia onndo me no, onnsie me nsem na asem a hom tse yi, onnye medze, na oye Egya no a osomaa me no dze.

25 Ndzemba yinom na makã akyer hom, ber a metse hom nkyen yi. 26 Na Okyigyinafo no a oye Sunsum

Kronkron no a Egya no bosoma no wo me dzin mu no, ono na obekyerkyere hom ndzemba nyina: obekaa hom dza makã akyer hom nyina. 27 Asomdwee na medze gya hom; mara m'asomdwee na medze mema hom: nnye de mbre wiadze ma, na mema hom. Mma hom akoma nntutu, eso mma ommbu hu. 28 Hom tsee mbre mekaa kyere hom de moroko na maba hom nkyen. Se hom do me a, nkye hom bedzi dew de moroko Egya no ho, osiande Egya no so sen me. 29 Na afei makã akyer hom ansaana aba mu, ma se aba mu a, hom aagye edzi. 30 Menye hom nnkekasa pii bio, na wiadze hen no reba, na onnyi biribiara wo mo mu. 31 Na mbre obeye ma wiadze eehu de modo Egya no, na de mbre Egya no hye me no, demara na meye. Hom nsoer ma yemfi ha nko.

**15** EMI nye nokwar wenyindua no, na m'Egya nye okuafon. 2 Mo ho abaw biara a onnsow aba no, oyi no; na biara a osow aba no, oyi ho ma oasow aba pii. 3 Hom ho atsew dada wo asem a makã akyer hom no ntsi: 4 hom ntsena mo mu, na mo so mentsena hom mu. De mbre abaw nntum mmfi noara no mu nnsow aba, gyede otsena wenyindua no mu no, demara so na hom runntum, gyede hom tsena mo mu. 5 EMI nye wenyindua no; hom nye abaw no: nyia otse mo mu, na metse no mu no, onara na osow aba pii; na hom kwetsi me a, hom nntum nnye hwee. 6 Se obi anntsena mo mu a, wotwa no kyen de abaw, na okyenkyen, na woboaboa ano kogu gya mu, na ohwey. 7 Se hom tsena mo mu, na me nsem tsena hom mu a, hom mbisa biribiara a hom pe, na wobeye ama hom. 8 Iyi mu na woahe m'Egya enyimnyam, de hom sow aba pii, na hom beye m'esuafon. 9 De mbre Egya no do me no, na mo so mado hom: hom ntsena mo do mu. 10 Se hom sie me mbransam a, hom btsena mo do mu, de mbre mo so mesie m'Egya ne mbransam na metsena no do mu. 11 Makã yinom akyer hom ama me dew aatsena hom mu, na hom dew aahye ma. 12 Iyi nye me mbransam, de hom ndodo homho nkorkor, de mbre mado hom. 13 Obi nnyi do a osõ kyen yi, de obi dze no nkwa

boto ho ama ne nsefo. 14 Se hom ye dza mehys hom a, hom ye me nsefo. 15 Mennda ho memmfe hom nko-waa, osiande akowaa nnyim dza no wura ye; na mafre hom nsefo, osiande ndzamba a metsee no m'Egya ho nyina makyer hom mu. 16 Nyie hom bi na hom yii me, na emi na miyli hom, na medze hom sii ho de hom nko nkosow aba, ma hom aba aatsena ho, na biribiara a hom besere Egya no wo me dzin mu no, odze aama hom. 17 Iyi na mehys hom, de hom ndodo homho. 18 Se wiadze tan hom a, hom nyim de oatan me ansaana oretan hom. 19 Se hom fi wiadze mu a, nkye wiadze bodo nankasa nedze; na osiande hom mmfi wiadze, na miyli hom fi wiadze mu ntsi, na wiadze tan hom. 20 Hom nkaa asem no a mesee hom no, Akowaa nnkyen no wura. Se wohiahiaa mo ho a, wobehiahia hom so ho; se woslee m'asem a, wobesie homdze bi. 21 Na yinom nyina me dzin ntsi na wodze beye hom, osiande wonnyim nyia osomaa me no. 22 Se mammba mammbekasa annkyere hon a, nkye wonnyi bon; na afei dze, wonnyi hon bon do ebua. 23 Nyia otan me no, otan m'Egya so. 24 Se mannye wo hon mu ndwuma a obiara annye bi da a, nkye wonnyi bon; na afei woehu na wootan emi nye m'Egya so. 25 Na iyi aba mu ma dza woakyerew no hon mbra mu no aahye ma de, Wootan me kwa. 26 Na Okyigyinafo no a mibefi Egya no nkyen masoma no hom ho no, nokwar Sunsum a ofir Egya no mu no, se onya ba a, ono na obedzi no ho dase. 27 Na hom so dzi me dase, osiande hom fir ahyese ka mo ho.

**16** MAKA yinom akyer hom amma hom eemmfiatsiw. 2 Wobetam hom nhyiamudan mu mpo: don no reba a obiara a oboku hom bodwen de odze rosom Nyan-kopon. 3 Na wobeyi yinom osiande wonnyim Egya no, anaaso emi. 4 Na makā yinom akyer hom, ama se don no ba a, hom aakaa de mesee hom dem. Na yinom memmfi ahyese mannkā annkyere hom, osiande me nye hom wo ho. 5 Na afei dze, moroko nyia osomaa me no nkyen; na hom mu biara mmbisa me de, Eroko hen? 6 Na osiande makā yinom akyer hom ntsi, awershow ahye

hom akoma mā. 7 Naaso dza merekā yi ye nokwasem, de oye ma hom de moko, osiande se mannkā a, Okyigyinafo remmba hom nkyen, na se moko a, mobosoma no wo hom nkyen. 8 Na ono se oba a, obeyi wiadze atsen wo bon nye tsenenee nye atsembu ho: 9 bon ho, osiande wonngye me nndzi; 10 tsenenee ho, osiande moroko Egya no nkyen, na hom nnhu me bio; 11 atsembu ho, osiande woebu wiadze hen atsen. 12 Mowo nsem pii kā kyere hom, na hom runntum ngye no sesei. 13 Na se ono, nokwar Sunsum no, nya ba a, obegya hom kwan ako nokwar nyina mu: na onnkehys nankasa noho akasa, na biribiara a obetse na obekā, na dza oeba so obekyers hom. 14 Ono na obehys me enyimnyam, osiande obefa dza oye medze no bi na odze abekyers hom. 15 Dza Egya no wo nyina ye medze: iyi ntsi na mesee de, Ofa dza oye medze no bi na odze abekyers hom. 16 Aka kakra na hom nnhu me, na bio aka kakra na hom bohu me, osiande moroko Egya no nkyen. 17 Na n'esuafo no binom kekāe wo hon mu de, Eben na ose hen yi? Aka kakra na hom nnhu me; na bio aka kakra na hom bohu me: na, Osiande moroko Egya no nkyen? 18 Na wosee de, Eben nye dza ose yi, Aka kakra? Yennyim dza orekā. 19 Na Jesus hun de wope ebisa no, na osee hon de, Ana yi ho na hom ribisabisa wo hom mu de mesee de, Aka kakra na hom nnhu me, na bio aka kakra na hom bohu me? 20 Nokwar, nokwar mese hom de, Hom bosu na hom edzi nkombo, na wiadze edzi daw; homdze, hom weri bohaw, na hom awershow bedan awersbaa. 21 Obaa rokō awoo a, onya awershow, osiande no don edu; na se onya wo ba no a, onnkā n'ahoguan no bio, wo ne daw a odzi de wawo nyimpa aba wiadze ntsi. 22 Na hom so sesei dze, hom enya awershow; na mubohu hom bio, na hom akoma bedzi daw, na hom daw no obi renngye hom nsamu. 23 Na da no hom nnkebisa me hwee. Nokwar, nokwar, mese hom de, Biri-biara a hom besere Egya no wo me dzin mu no, odze bema hom. 24 Odze bodu sesei hom nnsere hwee wo me dzin mu: hom nsere na hom benya, ma hom daw aahye mā.

25 Yinom makā akyerɛ hom wɔ mbɛbu mu. dɔn no reba a mennɛkasa akyerɛ hom wɔ mbɛbu mu bio, na makā Eɣya no ho asem akyerɛ hom petee. 26 Da no hom bɛsɛrɛ wɔ me dzin mu, na mennɛ hom dɛ mibebisa Eɣya no ama hom; 27 na Eɣya no ankasa dɔ hom, osiandɛ hom adɔ me na hom agye edzi dɛ mifi Nyankopɔn nkyɛn mebae. 28 Mifi Eɣya no nkyɛn na mebaa wiadze; bio meredan wiadze eɣya na makɔ Eɣya no nkyɛn. 29 N'ɛsuafɔ no see no dɛ, Hwɛ, afei ekasa kotoo, na immbu bɛ biara. 30 Afei yenyim dɛ inyim ndzɛmba nyina, na onnhia wɔ dɛ obi bisa wo: iyi mu na yɛgye dzi dɛ ifi Nyankopɔn nkyɛn bae. 31 Jesus buaa hɔn dɛ, Afei hom gye dzi? 32 Hwɛ, dɔn no reba na oɛnya edu a hom nyina bɛpetɛse ako hom-ankasa homdɛ mu, na hom adan mo nko eɣya. naaso ɔnnka mo nko, osiandɛ Eɣya no w: me nkyɛn. 33 Yinom makā akyerɛ hom ma hom eɛnya asomdwee wɔ mo mu. Wiadze mu dze, hom wɔ ahohia; naaso hom nhyɛ dzen: medzi wiadze dɔ ko-nyim.

**17** YINOM na Jesus kãe na ɔmaa n'enyi dɔ kor sor na ɔsee dɛ, Eɣya, dɔn no edu: hyɛ wo Ba enyimnyam, ma Ba no ɔo nhyɛ wo enyimnyam, 2 dɛ mbɛɛ emaa no tum wɔ honam nyina dɔ, dɛ biribiara a edze ama no no, ɔmma hɔn onnyiewiei nkwa. 3 Na iyi nye onnyiewiei nkwa, dɛ wobohu ɔwo, nokwar Nyame kor no, nye nyia esomaa no, mekyerɛ Jesus Christ. 4 Muwɛe edwuma a edze ama me dɛ menyɛ no na mehyɛ wo enyimnyam wɔ asaase dɔ; 5 na afei, Eɣya, fa enyimnyam a mowo no wɔ wo nkyɛn ansaana wiadze hɔɔ adze no hyɛ me enyimnyam wɔ wankasa wo nkyɛn. 6 Miyii wo dzin edzi mekyerɛ nyimpa a edze hɔn fi wiadze maa me no. Woyɛ wɔdze, na edze hɔn maa me, na woɛsie m'asɛm. 7 Afei woehu dɛ ndzɛmba a edze ama me nyina fir wo hɔ; 8 osiandɛ nsɛm a edze maa me no, medze ama hɔn, na hɔn so gyee na wohun ampa dɛ mifi wo nkyɛn mebae, na wɔgyee dzii dɛ ɔwoara na esomaa me. 9 Mibisa ma hɔn: mimmbisa memma wiadze, na hɔn a edze hɔn ama me a, osiandɛ woyɛ wɔdze. 10 Na m'a-

dze nyina yɛ wɔdze, na wɔdze so yɛ emi medze, na wɔahyɛ me enyimnyam wɔ hɔn mu. 11 Na afei minnyi wiadze bio, na yinom wɔ wiadze, na emidze, mereba wo nkyɛn. Eɣya kronkron, fa hɔn sie wo dzin a edze ama me no mu, ama wɔaayɛ kor dɛ hɛn. 12 Mowo hɔn nkyɛn no, medze hɔn siei wɔ wo dzin a edze ama me no mu: na mowɛɔn hɔn, na hɔn mu biara annhera, gyedɛ ɔhera ba no, ama kyerɛwɛsɛm no aaba mu. 13 Na afei dze, mereba wo nkyɛn, na mekã yinom wɔ wiadze ama woɛnya me dɛw no ma wɔaahyɛ mã wɔ hɔn mu. 14 Medze w'asɛm ama hɔn, na wiadze taan hɔn, osiandɛ wommfi wiadze dɛ mbɛɛ mo so mimmmi wiadze. 15 Mimmbisa dɛ yi hɔn fi wiadze, na dɛ yi hɔn fi hɔn no ho sie. 16 Wommfi wiadze dɛ mbɛɛ mo so mimmmi wiadze. 17 San hɔn ho wɔ nokwar no mu: w'asɛm yɛ nokwar. 18 Dɛ mbɛɛ ɔwo somaa me wiadze no, demara na mo so mosomaa hɔn wiadze. 19 Na hɔn ntsi mesan mohɔ, ama hɔn so hɔn ho aasan nokwar mu. 20 Na nnyɛ yinom nkotoo ntsi na mibisa, na hɔn a wɔnam hɔn asem dɔ gye me dzi no so ntsi bi, 21 ama hɔn nyina aayɛ kor, dɛ mbɛɛ ɔwo, Eɣya, ewɔ mo mu, na mowo wo mu, hɔn so waaayɛ kor wɔ hɔn mu, na wiadze aagye edzi dɛ ɔwo na esomaa me. 22 Na enyimnyam a edze ama me no, medze ama hɔn, dɛ wɔnyɛ kor dɛ mbɛɛ yɛyɛ kor; 23 na emi mentsena hɔn mu, na wo so ntsena mo mu, na woɛwɛie kor yɛ, na wiadze eehu dɛ ɔwo na esomaa me, na mbɛɛ edɔɔ me no, edɔɔ hɔn so demara. 24 Eɣya, dza edze ama me no, mɛpɛ dɛ mbɛɛ mowo no, hɔn so bɛka mo ho na woɛhu m'enyimnyam a edze ama me no, osiandɛ edɔɔ me ansaana wɔrehyɛ wiadze ase. 25 Eɣya tseneneɛ, wiadze ennuh wo, na emidze, muhun wo, na yinom hun dɛ ɔwo na esomaa me. 26 Na miyii wo dzin kyɛrɛ hɔn, eso mibeyi makyerɛ hɔn, ma ɔdɔ a edze dɔɔ me no aatsena hɔn mu, na mo so maatsena hɔn mu.

**18** JESUS kãa yinom no, ɔnye n'ɛsuafɔ fiir edzi kotwaa ɔwɔra Kidron, mbɛɛ ture bi wɔ, na ɔnye n'ɛsuafɔ no kor mu. 2 Na Judas so a oriya no ama no so nyim hɔ, osiandɛ Jesus nye n'ɛsuafɔ no tɔɔ dɛ wokehyia hɔ. 3 Na Judas

faa asafu no nye asomfo a wofi asofompanyin nye Phariseefo no nkyen no, obaa ho, wokurakura nkan-dzea nye atsen nye akodze. 4 Na Jesus nyim dza oreba no do nyina no, ofir edzi na obese hon de, Hom rohewhwe woana? 5 Wobuaa no de, Jesus Nazarethnyi no a. Obuaa hon de, Emi nye no. Na Judas a oriya no ama no so nye hon gyina ho. 6 Na osee hon de, Emi nye no no, wodze hon ekyir hon ekyir kohwee daadze. 7 Na obisaa hon bio de, Hom rohewhwe woana? Na wosee de, Jesus Nazarethnyi no a. 8 Jesus buaa de, Mekaa kyere hom de emi nye no; dem ntsi se emi na hom rohewhwe me a, hom mma yinom nko; 9 ama asem no a okaa de, Hon a edze hon ama me mannyew mu biara no, aaba mu. 10 Na Simon Peter a odze afowa, twee, na odze bo osofopanyin no akowaa, na otwaa n'asowa nyimfa; na akowaa no ne dzin dze Malchus. 11 Na Jesus see Peter de, Fa nkrantsee no hye boha no mu: kuraba a m'Egya dze ama me no, monnom anaa?

12 Na asafu no onye safohen no onye Jewfo asomfo no faa Jesus na wokyekeyer no, 13 na wodze no dzii kan kor Annas nkyen, osiande Caiaphas a odzi afe no mu sofopanyin no n'asew nye no. 14 Na Caiaphas nye nyia omaa Jewfo no apam de oye de nyimpa baako bowu ama oman no no.

15 Na Simon Peter nye osuanyi baako dzii Jesus ekyir, na sofopanyin no nyim osuanyi no, na onye Jesus kehen sofopanyin aban mu ho. 16 Na Peter dze, ogyinaa abow no ano guado. Na osuanyi no a sofopanyin no nyim no no fir edzi bekasaa kyere abowanohwefo no na odze Peter baa dan mu. 17 Na abaawa abowanohwefo no see Peter de, Ana wo so immfi nyimpa yi n'esuafo no mu? Osee de, Mimmfi mu. 18 Na nkowaa no nye asomfo no gyinagyina ho a wodze biriwa abo gya, osiande awow aba, na woroto gya; na Peter so gyina ho roto gya.

19 Na sofopanyin bisaa Jesus n'esuafo nye ne nkyerkyere ho asem. 20 Jesus buaa no de, Makasa petee makyere wiadze; daa mekyerkyere wo nhyiamudan nye asorfi mu, mbre

Jewfo nyina hyia, na nsumaa mu mannkā hwee. 21 Emidze, oye den na ibisa me? Bisa hon a wotsee asem kor a mekaa kyere hon: hwe, hon na wonyim dza mekaa. 22 Na okasaa dem no, asomfo a wogyina ho no mu baako bo Jesus sotor see no de, Mbri ibua sofopanyin nye yi? 23 Jesus buaa no de, Se makā hon a, gye hon no ho dase, na se oye a, oye den na ebo me? 24 Dem ntsi Annas omaa no ahoma mu kor Caiaphas sofopanyin no ho.

25 Na Simon Peter gyina ho roto gya. Na wosee no de, Ana owo so immfi n'esuafo no mu? Osanee na osee de, Mimmfi mu. 26 Sofopanyin no no nkowaa mu baako a oye nyia Peter twaa n'asowa no no busuanyi no see no de, Ana mennhu wo wo ne nkyen wo ture no mu? 27 Na Peter saan bio; na ntsemara akoko bonee.

28 Na wodze Jesus fi Caiaphas nkyen kor ambrado aban mu; na ahanamakye a, na honara dze woannhen ambrado aban mu ho, amma hon ho eennkum na woedzi apaho no. 29 Dem ntsi Pilate fir edzi baa hon nkyen na osee de, Eben atsen na hom dze ba wo nyimpa yi ho? 30 Wobuae see no de, Se oyi nnye odzebonyeni a, nkye yeamfa no ammbre wo. 31 Na Pilate see hon de, Homara hom mfa no, na hom nkobu no atsen de mbre hom mbra tse. Jewfo no see no de, Hendze, yennyi ho kwan de yeku obiara; 32 ma Jesus n'asem a okae dze kyere owu kor a orubowu no aaba mu.

33 Na Pilate heen ambrado aban mu bio, na ofre Jesus na osee no de, Ana owo nye Jewfo hen no? 34 Jesus buaa no de, Wankasa rekā yi, anaa binom kaa no mo ho kyere wo? 35 Pilate buaa de, Ana mankasamey Jewnyi? Wankasa wo mamfo nye asofompanyin no na wodze wo bre me. Ebenadze na eyere? 36 Jesus buaa de, M'ahendzi mmfi wiadze yi mu: se m'ahendzi fi wiadze yi mu a, nkye m'asomfo bokō, mma woaammfa me annhye Jewfo nsa; na afei m'ahendzi mmfi ha. 37 Pilate see no de, Nna eye ohen nye no? Jesus buaa de, Akā de meye ohen: iyi ntsi na wowoo me, iyi ntsi na mebaa wiadze, ama maabgye no-

kwar no ho dase. Obiara a ofi nokwar no mu, otsie me ndze. 38 Pilate see no de, Nokwar nye ben?

Na osee dem no, ofir edzi kor Jewfo no ho bio, na osee hon de, Emidze, munnhu afodzi biara wo no mu. 39 Na hom wo atormuadze de apaho no mu migyaa baako mema hom: dem ntsi, hom pe de migyaa Jewfo hen no mema hom anaa? 40 Na hon nyina tsëaa mu bio de, Nnye oyi a, na Barabbas a. Naaso Barabbas ye odwotwafo.

**19** NA afei Pilate faa Jesus na okäa no mpire. 2 Na nsordaafö no böo nsos katraka na wodze hye ne tsir, na wodze tam memen bi furaa no, 3 na wopimpiin ne nkyen bsee no de, Jewfo Hen, abao! Na woboboo no asotor. 4 Na Pilate fiir edzi bio, na osee hon de, Hwe, medze no mifir bre hom, ma hom eehu de munnhu afodzi biara wo no mu. 5 Na Jesus fiir edzi bae, na ohye nsos katraka nye atar memen no, na Pilate see hon de, Hwe, nyimpa no nye yi! 6 Na asofompanyin no nye asomfo no hun no no, wotsëatseaa mu de, Bö no mbeamudua mu, bö no mbeamudua mu! Pilate see hon de, Homankasa hom mfa no nkobo no mbeamudua mu, na emidze, munnhu afodzi biara wo no mu. 7 Jewfo no buaa no de, Yewo mbra, na hen mbra ntsi otwar de owu, osiande oye noho Nyankopon ne Ba. 8 Na Pilate tsee asem yi no, osuroo dodoodow, 9 na okor aban no mu bio, na osee Jesus de, Ihi hen? Na Jesus emmbua no. 10 Na Pilate see no de, Ennkasa mo ho? Innyim de mowo tum de mobo wo mbeamudua mu, na mowo tum de migyaa wo anaa? 11 Jesus see no de, Se woemmfi sor ammfa amma wo a, nkye innyi mo do tum biara. Dem ntsi, nyia oyii me maa wo no, owo bon ksee no ara. 12 Na ofitsi ho no, Pilate hwehwe de ogyaa no, na Jewfo no tsëaa mu de, Se igyaa oyi a, na ennye Cæsar no dofo: obiara a oye noho ohen no onye Cæsar dzi esi. 13 Na Pilate tsee nsem yi no, odze Jesus fiir edzi, na obetsenaa atsembru egua no do, wo beebi mbre wofre no Abo-nsewee no, na Hebrew kasa mu dze, wofre no Gabbatha. 14 Na oye apaho ne nsiesie da, na obeye don a otsia esia:

na osee Jewfo no de, Hwe, hom Hen nye yi! 15 Na wotsëaa mu de, Fa no ko, fa no ko, bö no mbeamudua mu! Pilate see hon de, Mombo hom Hen mbeamudua mu? Asofompanyin no buaa no de, Yennyi ohen biara de Cæsar. 16 Na afei oyii no maa hon de wankobo no mbeamudua mu.

Na wofaa Jesus dze no koree. 17 Na oso ne mbeamudua fiir edzi bodur beebi a wofre ho Nyitsirbea a Hebrew mu wofre no Golgotha. 18 Ho na woboo no mbeamudua mu, na beenu kaa no ho, afä ha kor, afä ha kor, na Jesus wo finimfin. 19 Na Pilate kyerew ho asem so, na odze faam mbeamudua no etsifi, na kyerew no nye de, JESUS NAZARETHNYI, JEWFO HEN. 20 Na kyerew yi Jewfo pii kenkanee, osiande mbre woboo Jesus mbeamudua mu no oben kurow no, na wokyerewee wo Hebrew nye Greek nye Romefo kasaa mu. 21 Na Jewfo asofompanyin no see Pilate de, Mma nnkyerew de Jewfo Hen, na de ono käa de, Emi nye Jewfo Hen. 22 Pilate buaa de, Dza makyerew no, makyerew.

23 Na nsordaafö no böo Jesus mbeamudua mu no, wofaa ne ntar no na wokye mu anan, ma sordaanyi baako nyaa kor, onye n'atar nhye ase so. Na n'atar nhye ase no, onnyi mpamee, na wawen fi sor pem ase. 24 Na wosese honho de, Mma hom mma yennsunsuan mu, na hom mma yentwe ho tonto nhwe nyia obeye ndze; ama kyerew no a okä de,

Wokye me tam mu maa honho, Na m'atar so wotwee ho tonto no, aaba mu.

Na nsordaafö no ye yinom. 25 Na Jesus ne nä, onye ne nä-nua Clopas yer Mary, onye Mary Magdalene gyina Jesus ne mbeamudua ho. 26 Na Jesus hun ne nä nye osuanyi a odo no no de ogyina ho no, osee ne nä de, Obaa, hwe, wo ba nye yi. 27 Na osee osuanyi no de, Hwe, wo nä nye yi. Na ofitsi don no ara mu na osuanyi no faa no kor nankasa ne fie.

28 Iyi ekvir no Jesus nyim de woenya ewie ndzembra nyina, mbre obeye ma kyerew no aaba mu ntsi, osee de, Nsukom dze me. 29 Wenyin yeryerew adze bi mä si ho, na wodze wenyin yeryerew no bi hye posaa mä, na wodze too hyssop

do dze kãa n'ano. 30 Na Jesus gyee wenyin yerayerew no, ɔsee dɛ, Woe-wiel! Na ɔboɔ ne tsir adze, na ogyaa no sunsum mu.

31 Na Jewfo no, ɔye Ahosiesieda no ntsi, amma efun no annko mbeamudua no do ahomgyeda no (na eso ahomgyeda no ye dapɔn ntsi), wobebisaa Pilate dɛ wonkobubu hɔn ngyaw na wonnyi hɔn. 32 Na nsordaafɔ no bae bobubuu nyia odzi kan no ne ngyaw, ɔnye nyia no so wɔbɔɔ no mbeamudua mu no nedze. 33 Na wodur Jesus do na wohun dɛ oewu dada no, woembubuu ne ngyaw; 34 na nsordaafɔ no baako dze peaa wɔɔ ne mfemu, na ntɛmara na bogya nye nsu fii mu bae. 35 Na nyia oehu no oedzi dase, na ne dasee ye nokwar, na ɔno so nyim dɛ ɔkã nokwar, na hom so aagye edzi. 36 Na wɔyɛ yinom ma kyerew aaba mu dɛ, Wonnkobu ne biew bi. 37 Na bio kyerew fofor so se, Wɔbɔ-hwe nyia wɔwɔɔ no no.

38 Na iyi ekyir no na Joseph a ofi Arimathæa a ɔye Jesus no suanyi, na Jewfo ho hu ntsi ɔyɛ no kukua mu no, beserɛ Pilate dɛ amma onyi Jesus no fun no, na Pilate maa no ho kwan; na ɔbae befaa Jesus no fun no. 39 Na Nicodemus so a nkan no ɔbaa Jesus hɔ anago no, ɔdze myrrh nye aloɛ mforaforae beye pɔɔn ɔha bae. 40 Na wɔfaa Jesus no fun na wɔdze no nye ndur no kye-kyeer ndwera mu, dɛ mbre Jewfo efunsie tse. 41 Na eso mbre wɔbɔɔ no mbeamudua mu no, ture wɔ hɔ, na ture no mu ɔboda bi wɔ hɔ a wɔmmfaa obiara nntoo mu da. 42 Na hɔ, Jewfo Ahosiesieda ntsi, na osiande nda no ben so ntsi, wɔdze Jesus toe.

**20** NA da a odzi dapen no kan no anapatutu a ɔda ho ye sum no, Mary Magdalene baa nda no do, na obohun ɔbo no dɛ woeyi efi nda no ano. 2 Na otutuu mbirika baa Simon Peter, ɔnye osuanyi baako no a Jesus dɔɔ no no hɔ na ɔsee dɛ, Woeyi Ewuradze efi nda no mu, na yennyim mbre wɔdze no akoto. 3 Na Peter nye osuanyi baako no fiir edzi baa nda no do. 4 Na hɔn beenu nyina tutuu mbirika: na osuanyi baako no paa Peter ho, na odzii kan baa nda no do. 5 Na ɔboɔ no mu adze no, ohun ndwera

no dɛ ogu hɔ, na ɔannko mu. 6 Na Simon Peter dzii n'ekyir bae, na ɔkor nda no mu, na okohun ndwera no dɛ ogu hɔ, 7 ɔnye duukuu a wɔdze bɔɔ ne tsir no dɛ onngu ndwera no ho, na wɔabobow no nko gu nkyen beebi. 8 Na afei osuanyi baako a odzii kan baa nda no do no so kor mu, na okohunii, na ɔgyee dzii. 9 Nna wonnyae nnhun kyerew no dɛ otwar dɛ ɔsoer fi ewufɔ mu. 10 Na esuafo no sii mu kor hɔn fie bio.

11 Na Mary dze, ogyina nda no do rusu. Na orusu no, ɔboɔ no mu adze hwɛɛ nda no mu. 12 Na ohun abofo beenu wɔ ntar fufuw mu dɛ wɔtsetse hɔ: ɔbaako tse etsifi, na ɔbaako tse anaafɔ wɔ mbre Jesus no fun daa hɔ. 13 Na wɔsee no dɛ, ɔbaa, eɛn-adze ntsi na irusu? ɔsee hɔn dɛ, Osiande woeyi m'Ewuradze ko, na minnyim mbre wɔdze no akoto. 14 Na ɔsee dɛm no, ɔdaa noho hwɛɛ n'ekyir, na ohun Jesus dɛ ogyina hɔ, na onnyim dɛ Jesus a. 15 Jesus see no dɛ, ɔbaa, eɛn-adze ntsi na irusu? Erohwehwɛ woana? Na ɔno-dze osusu dɛ ɔno nye turehwɛfo no, ɔsee no dɛ, Mo wura, se ɔwo na afa no efi ha a, kyere me mbre edze no akoto, na menkɛfa no. 16 Jesus see no dɛ, Mary! Na ɔno daa noho see ho Hebrew kasa mu dɛ, Rabboni! (ɔnye dɛ, Kyerskyersfo). 17 Jesus see no dɛ, Mma nnkã me, na minnyae monnkɔr sor wɔ m'Egya nkyen; na ko mo nuanom no nkyen kɛse hɔn dɛ, Moroboko sor wɔ m'Egya nye hom Egya, me Nyankopɔn nye hom Nyan-kopɔn nkyen. 18 Mary bae besee esuafo no dɛ, Mehu Ewuradze; ɔnye mbre ɔkãa yinom kyerɛɛ no.

19 Na da a odzi dapen no kan no ara ewimbir, na wɔatotow mbobow mu wɔ mbre esuafo no ehyia, wɔ Jewfo ho hu ntsi no, Jesus bae begyinaa finimfin, na ɔsee hɔn dɛ, Asomdwee nkã hom! 20 Na ɔsee dɛm no, ɔdze ne nsa nye ne mfemu kyerɛɛ hɔn. Na esuafo no hun Ewuradze no, wodzii dɛw. 21 Na Jesus see hɔn bio dɛ, Asomdwee nkã hom: dɛ mbre Egya no asoma me no, mo so mosoma hom. 22 Na ɔkãa yi no, oguu ahom guu hɔn do, na ɔsee hɔn dɛ, Hom ngye Sunsum Kronkron no: 23 hɔn a hom dze hɔn bɔn kye hɔn no, wɔdze akyɛ hɔn; hɔn a hom



ma hɔn hɔn ko hɔ no, wɔama ako hɔ.

24 Na Thomas, duebien no mu baako a wofre no Didymus no, onnyi hɔn mu na Jesus bae. 25 Na esuafo nkaa no see no de, Yeehu Ewuradze! Na ɔsee hɔn de, Se mennhu ne nsa mu mpregow no ananmu, na mammfa me nsatseaba mannkā mpregow no ananmu, na mammfa me nsa annkā ne mfemu a, merennnye nndzi.

26 Na n'ekyir ndaawotwe no, esuafo no wo dan mu bio, na Thomas ka hɔn ho. Na Jesus bae, na mbobow no wɔtotow mu; na obegyinaa hɔn finimfin, na ɔsee de, Asomdwee nkā hom! 27 Na ɔsee Thomas de, Tsen wo nsatseaba bra ha bohwe me nsa-mu, na fa wo nsa bekā me mfemu, na mma nnye okyingyefo, na mbom ye gyedzinyi. 28 Thomas buae see no de, M'Ewuradze nye me Nyankopon! 29 Jesus see no de, Thomas, osiandɛ ehu me ntsi, na egye dzi yi? Nhyira akā hɔn a woennhu me eso wɔagye edzi.

30 Nsenkyerdze pii na Jesus yee wo n'esuafo enyim a wɔnnkyerɛw no nwoma yi mu. 31 Na wɔakerɛw yinom ama hom aagye edzi de Jesus nye Christ no, Nyankopon ne Ba no, na hom gye dzi a, hom eenya nkwa wo ne dzin mu.

**21** IYINOM ekyir no, Jesus yii noho kyerɛ n'esuafo wo Tiberias po ho; na mbre oyii noho kyerɛ nye yi. 2 Simon Peter nye Thomas a wofre no Didymus nye Nathaniel a ofi Cana a ɔwo Galilee, nye Zebedee ne mba no nye esuafo no mu beenu so wo ho. 3 Simon Peter see hɔn de, Moroko po. Wɔsee no de, Hɛn so yenye wo boko. Na wofir edzi kor hɛn mu; na anago no ara woennya hwɛe. 4 Na adze rekye no Jesus begyinaa mpoano, naaso esuafo no nnyim de Jesus a. 5 Na Jesus see hɔn de, Mbɔfra, ana hom enya nam bi? Wobuaa no de, Oho. 6 Na ɔsee hɔn de, Hom mfa asawu no ngu hɛn nyimfa na hom benya. Na wogui, na nam no dodow ntsi woenntum anntwetwe. 7 Na osuanyi a Jesus dɔɔ no no see Peter de, Ewuradze a! Na Simon Peter tsee de ɔye Ewuradze no, ɔdze no sortar kye-kyeer noho (na odzi adagyaw) na ɔtoow no ho kyeen po no mu. 8 Na

esuafo nkaa no nam hɛn kakraba mu bae (na wɔnye famu ntamu nnwar, ɔbɛɛ basafa ahaenu) na wɔtwetwee asawu no nye nam no. 9 Na wofir hɛn no mu siaan famu no, wohun ngyansenama wo ho, nye nam a ogu do, nye paanoo. 10 Jesus see hɔn de, Hom mfa nam a hom nyaa no se-sei no bi mbra. 11 Na Simon Peter korɛe kɔtwetwee asawu no baa daa-dze, nam akese mā, ɔha eduonum ebiasa, naaso wɔdɔɔ sɔ dem mpo a, asawu no anntsetsew. 12 Jesus see hɔn de, Hom mbekā hom ano. Esuafo no mu biara enntum emmbisa no de, Woana nye wo; na wonyim de Ewuradze a. 13 Jesus bae bɛfaa paanoo no maa hɔn, ɔnye nam no demara. 14 Iyi nye ne mpen ebiasa a Jesus soɛree fi ewufo mu ekyir no, oyii noho kyerɛ n'esuafo.

15 Na wɔkāa hɔn ano wiei no, Jesus see Simon Peter de, Simon, John ne ba, ana edo me sen yinom? ɔsee no de, Nyew, Ewuradze, woara inyim de modo wo. ɔsee no de, Nyen mo nguambaa. 16 ɔsee no mpen ebien de, Simon, John ne ba, ana edo me? ɔsee no de, Nyew, Ewuradze, woara inyim de modo wo. ɔsee no de, Hwe mo nguan. 17 ɔsee no bio ne mpen ebiasa de, Simon, John ne ba, ana edo me? ɔye Peter awɛrshow de ɔsee no mpen ebiasa de, Ana edo me? na ɔsee no de, Ewuradze, woara inyim adze nyina: inyim de modo wo. Jesus see no de, Nyen mo nguan. 18 Nokwar, nokwar, mese wo de, eyɛ aberantɛ no, ebɔɔ woho do, na enantseew mbre woara epɛ; na se inya ye akɔdaa a, ebtsen wo nsa na obi abɔ wo do na ɔdze wo ako mbre emmpɛ. 19 Na ɔkāa yi no, ɔdze kyerɛ owu kor a ɔdze rebɛhyɛ Nyankopon enyimnyam. Na ɔkāa yi no, ɔsee no de, Ka mo do. 20 Na Peter daan noho no, ohun osuanyi a Jesus do no no de odzi n'ekyir, ɔno so na ɔtweer no bo mu wo edzidzi-ase na ɔsee de, Ewuradze, nyia oriye wo ama no nye woana? 21 Ono na Peter hun no no na ɔsee Jesus de, Ewuradze, na oyi ɛ? 22 Jesus see no de, Se mɛpɛ de ɔtsena ho kodu de mebeba a, ɔfa wo ho bɛn? ɔwodze, ka mo do. 23 Na asem yi tahye wo enuanom no mu de osuanyi yi ru-nnwu: naaso Jesus annse no de oru-nnwu, na ɔsee no de, Se mɛpɛ de ɔtse-

na ho kodu de mebeba a, ofa wo ho ben?

24 Oyi nye osuanyi a odzi yinom ho dase, na okyerɛw yinom no, na yenyim-de ne dasee ye nokwar.

25 Na ndzamba pii wo ho a Jesus yɛe a, se wɔrekyerɛw ne nyina nkor-kor a, nkyɛ mususu de nwoma a wɔbɛkyerɛw no rennsen wiadze mpo